

LEZA KALISISA

MWINI MU BUUBAUBA

 Nda lumba, mukwesu. Kwasiya kabotu. Ne coolwe kuba kookuno, sunumasiku, mu ciindi eci cibotu ca luswaanano. Kuboneka kasimpe kapati, kumvwa bumboni bwa bantu bamwi abo bakali kubotelwa cilongezyo eci cibotu, cakuti twa abana antoomwe luzibo lwesu, sunumasiku. Elyo lino Nda, ambebo, yanda kulumba Mukwesu Shakarian, a banji i... oyu Mukwesu Danny, a bamwi banji kapati bali ano, abo Mbe ntakonzyi kwiita mazina abo, kundi tamba ku mutabi oyu mubotu okuno ku—ku Albuquerque.

² Ndi yeeya kuti na twa cita, ziindizimwi, mukuyaka mutabi wanu uccilila, ikuti na inga mwatuma muntu umwi kubusena, akubaanga nkutuntulika mu mambungano, lubukulusyo lusyoonto, kubapa kupaila, a kulindila, alimwi kunsi lya bulangizi mu mambungano, nkabela Muuya wa Leza kuenda koonse, elyo mpawo kunjila imwi ya aya, mpawo myoooba cintucimwi ncobeni. Tu...

Muli jisi kukonzya awa. Mu—mu jisi bantu bamwi bali kabotu.

³ Nda jana kufumbwa Nkwe unka, Nda kali koonse, kukubwene aniiyi lino, kwa myaka misyoonto mitaanzi, koonse, koonse kunyika, nkekambauka. Elyo Nda kajana kuti, kulikonde, Leza uli jisi bantu bali kabotu mu luzibo olu lubotuloko. Nda unka kulaale mu masaka amu Africa, a India, a tusuwa, Ndila jana bantu abo batazyi alyalo janza lya lulyo alumwesi; batana kumvwa Zina lya Mwami Jesu; kutaziba cintu kujatikizya Ndilyo, nokuceya. Elyo cintu ceenzu, cindi batambula Muuya Uusalala, bala lilemeka mbubonya buyo mbo mucita ndyoonya lino. Mwabona? Ba... Ula konzya kubona kuti calo—calo ncintucimwi. Alimwi Leza ulabayanda, ula baponya.

⁴ Lino, oyu mutabi wa basimakwebo, nce cintu cilikke eco Nkwe kazulilwa, kuciimo ca kabunga ka inyika. Nku kaambo ka ceeco, Nda kali lumwi i...

⁵ Kali kkede alya, Mukwesu Crow a Ndime, kwaambaula kujatikizya ntalisyo yesu ya Baptisti. Nda kananikwa, kuba Missionari wa mbungano ya Baptisti. Pele mpawo, mubwini, cindi luzibo lwa boola ambali, lwa Muuya Uusalala, ee, eco cacibamba eco ndyoonya lino. Elyo aboobo tu... Taakwe cakulwana abo bakwesu omuya. Kuli bantu bamwi babotu okuya mu busena obo, alimwi akati ka mambungano onse, tubungwe. Pele tula balumba kapati.

⁶ Eci cali ciindi cangu cilemu. Aba Bantu Basimakwebo bakali cintu eco Nce... kandipa busena bwa ku kananina.

⁷ Lino, cindi Ne kamvwa zina, “pentekoste,” baa, Nda kalimvwa zina, nkabela ba kandaambila, “Cakali cikama ca babumbulusi basalala kaba bumbuluka atala ansi lya cibuye, kabazwa mate a—a zintuzyonse.” Pele Nda—Nda kajana kuti eco tee cakali obo.

⁸ Elyo mpawo, pele cindi Ne kasika, kaboola akati kabo, ba kali—ba kali pambukene a mbuli buyo tubunga twandeene mbuli mbo twa kabede tobana Baptisti. Ncobeni, bakali ncobeni... Nda kayeeya kuti yakali nkamu yomwe. Pele Nda kaboola kujana kuti, kuli misyobo yonse ya nkamu, kazikwankana umwi aumbi cabubi buyo mbuli ndiswe toba Baptisti a bamwi besu. Elyo tu tandila kuba mbubonya.

⁹ Elyo mpawo—mpawo, mucibaka cakuboola mukati akusangana neiba Assemblisi, na Bakamantene, na mbungano ya Leza, a boonse babo mbantu balikabotu kapati, nkamu zyoonse, Nda kaima buyo akati kabo, a kwaamba kuti, “Tuli babunyina. Mutano kazyanyi, umwi aumbi.” Lino, ikuti na Saatani wakonzya kutu lwanya, ta ceelede kulwana. Mwabona? Pele cindi twa tondeka ntobolo zyesu ali nguwe, a kuzwa kuli umwi aumbi, kuya buyandana umwi aumbi, kuswaangana umwi aumbi, mpawo Mileniamu iyotalika.

¹⁰ Pele obo bwakali bukanze bwangu. Alimwi nkamu ya Bantu Basimakwebo Banakristo Bamakanimabotu Azwide okuno kakali kasensa kuli ndime, kakuboola antoomwe. Nkaambo, alimwi bala gwasilizya bunji bwa miswaangano yangu. Elyo nzila eyo i—i... Bantu babo, ku kuvuna busyu bwabo, beelede kunjila, nywebo mwabona, aboobo ya—ya kabamba cintu cipati kuli ndime omuno mu cisi eci, muli eyi United States.

¹¹ Lino, ya 5, ya 6, Ndi lizi kuti Ndi... Sa kuli kabotu kwaamba cintucimwi kujatikizya muswaangano? [Ii mukwesu wati, “Masimpe.”—Mul.] Inzya. Kwakali ya 5, ya 6, aya 7; ya 5, ya 6, ya 7, aya 8 Gandapati, tuli jisi muswangano wanguzu ku Tucson, ku busena oko nkoba bamba cipo... cipobwe ca Bantu Basimakwebo. [“Ramada Inn.”] Ramada Inn. Bukkazika batandila ku myaanda, ili makumi obilo ayosanwe, ili makumi otatwe ayosanwe, bujis maeya kkondishina koonse.

¹² Elyo lino, mbuli mukanazi, uli onse uli ndizyi, ulizi kuti Nseli mukanazi. Ndi jisi biyo ii—ii lwiiyo lwa kucikolo lwa bwaambe bwa cisyobo, alimwi olo ndusyoonto. Nda kasika biyo ku giledi seveni. Elyo aboobo Mebo, kuciimo ca kwaamba, “mukambausi,” mulizi kuti Nseli boobo. Pele Ndi panga buyo coongo calutangalo ku Mwami, nkabela mpawo kusola kwaabana eco Nce kaiya kujatikizya Nguwe, a bamwi.

¹³ Lwiito lwangu mu buumi ndwa kukombela baciswa, kupailila baciswa. Eco Mwami nca kandi longezya aco,

miswaangano mipati, kusololela bantu. Mweelwe mupati maningi Ngwe kasola kuba awo mu ciindi comwe mu muswaangano omwe, wakali mu Bombay, zyuulu zili myaaanda yosanwe ku muswaangano omwe.

¹⁴ Elyo mpawo, Africa, Nda syoma, ikuti na twa bala basanduki ba sicisi basama ngubo, bahedeni, batakazi a lyakali janza lya lulyo a lya lumwesi, kajisi bali zyuulu zili makumi otatwe ku ciindi comwe, bakatambula Kristo mbuli Mufutuli, ku ciindi comwe. Mulombe mulema, wakofweede, akwalo wataka kwakkwene kabotu, muntu wasanu aa cibumbili. Elyo cindi Muuya Uusalala . . .

¹⁵ Elyo Nda kabona bamadokotela bamasilike, mbuli oyu dokotela mubotu wamasilike, zindi zisyoonto zyainda. Ikuti na Nda kali mu dolopo eli, baciswa, alimwi Nda keelela kuba a kulangwa zyakusilikwa, Inga ndayanda muntu mbuli oyo kundi beleka, oyo wakali kusyoma muli Leza. Ikuti na Nda keelela kuba lugwasyo lwakwe lwa misamu, nincobeni inga Nda yanda muntu wakali kusyoma muli Leza mbuli oyo. Ii wini . . . Mulaa bwela okuno, mu dolopo, ku kuba a dokotela mbuli oyo, muntu wini uuyoowa Leza, elyo usyoma Leza ku janza Lyakwe mu kupandulwa, na kufumbwa nca cita. Ndi—Ndi jisi kaanzambwene mu muntu mbuli oyo. Nda kabona bamadokotela bamasilike baka yutuka a—a kupa myoyo yabo kuli Kristo, akuba mamissionari mu masaka. Elyo Nda—Nda cilumba neconzyo.

¹⁶ Lino awa, a ku muunzi mu America, Nda enda koonse, kuba a mulimo waku ponesegwa musyoonto, ku kombela bana ba Leza baciswa. Elyo Nda cilumba coolwe, kapati.

¹⁷ Aboobo ikuti unooliko, munsi lya Tucson, Gandapati ya 5, ya 6, ya 7, aya 8, mutabi uyo gwasilizya, lino, kuciimo mbo tuzi. Alimwi boonse ba Assemblisi ya Leza, Ndi yeeya kuli yosanwe na cisambomwe, ciloba ya Assemblisi ya Leza. Elyo banji bamwi, mbungano ya Leza, a zimwi, zyoonse ziboola mukati ku luswaanano lwa lukamantano ku muswaangano oyu. Lino, ikuti na wa . . . ikuti . . . Ndi yeeya kuti waka zibisigwa. [Ii mukwesu waamba, “Unooli okuya mu Ramada Inn alubo.”—Mul.] I Ramada Inn nkouya kubeda. Mukwesu Stromei, Nse—Nse zyi nzila ya kuli spela, pele ngu ii . . . Amu kacibone mu *Jwi Lyा Bantu* okuya. Inga wamu munikila kunji kujatikizya nguwo, mbuli ciindi mbo ciyabuya.

¹⁸ Nda unka lino, cakufwambaana, mu Alaska, ku kubamba mutabi okuya ku Anchorage.

¹⁹ Elyo aboobo mpawo Ndi inka kutala ku Yukon, kutandila mwwiki imbi na mazuba ali kkumi, akutala ku masena ali kulaale aniini. Oko, bakutausi, bantu balemu mbuli, Mukwesu Oral Roberts a Tommy Osborn, abamwi bantu abo bajisi milimo

eyo mibotu loko, taba konzyi kusika ku masena ayo. Ta—ta bacikonzyi. Ta bakonzyi kutola ciindi cinji boobo.

²⁰ Ee, Nda kasola kubamba, oyo mulimo muniini Mwami ngwa kandipa, kubombede. Nse—Nse—Nse citi... Nse kabweza mulumbo mu buumi bwangu. Nse—Nse—Nse jisi mabambe akugwasilizya. Nse—Nse jisi cintu cakusambala. Nse—Nse—Nse yandi kuubamba abo ikuti—ikuti na Mwami wayanda kuti nduunke kuyo kambauka kuli bali kkumi, Nda konzya kuunka. Elyo ikuti na Walo uyanda kuti nduunke kumasena alandukwa lwizi, Uyo ugwasilizya. Aboobo Nda konzya kuunka kulikonse Nkwa ndisololela. Ndi—Ndi baanga ndacibotelwa munzila eyo. Alimwi Nse elede kuba a mali manji, na cintu. Ndi yanda buyo zilongezyo zya Mwami. Aboobo kamundi kombela buyo, ikuti na mula konzya. Kuteeti, Nda kali kuyeyya cindi Ne...

²¹ Kaindi katali kalamfu kainda, Nda katambwa a muntu wesu, muyandisi sicamba, Mukwesu Oral Roberts. Nda kaliimvwi mu busena bwakwe okuno. Nda syoma wa kaamba kuti bwakamutolela kutandila madollar ali mamillioni otatwe, buyake na bumwi. Oh, ma! Nda kali mu Hollywood, nkabela Nda kakombela Mwaami George mu palesi, a Gustaf kutala mu Sweden, a masena aindene, alimwi Nda kali ku masena manji, coolwe cakuba okuya, nkabela Nda kabona kunji, pele Nseno bwene buyake mbuli boobo. Elyo cindi Ne kanjila, kwakali bantu banji kapati ku mulyango, a basilikali baka ndizunguluzya a kundi gusya ku nzila ya kusule, kulindila, kuzwa ku kukombela baciswa. Elyo cindi Ne kaunka kunzila ya kusule, Mukwesu Fisher waka ndigwisya anze, nakamana kundi tondezya moonse mu buyake, cindi Ne kaimvwi okuya a kulanga kutala ku buyake, obo bupati maningi.

²² Nda kazwa calino ku Mukwesu Tommy Osborn. Bobilo abo balombe baamba kuti bakasika ku muswaangano nkabela bakananikwa. Ndi lumba Mwami, mpawo, kundi zumizya kuba a cibeela ciniini mu mulimo.

²³ Elyo nzila Mukwesu Osborn, nzila mbwa kaboola okuya busiku obo, akubona oyo sikansondo mukali kazuzila ku cibumbili, kuti andi jaye. Elyo wakawaala maboko akwe, akuti, “Ndila tyolaula zifuwa zyoonse mu mubili wako.”

²⁴ Nda kati, “Nkaambo wa zundikizya Muuya wa Leza, sunumasiku, ula wida ku matende angu.”

²⁵ Wa kandi swida ku meso. Kati, “Nda kutondezya ku matende a oyo Nkwe tawide.” Elyo wa kajosya kweezeka faindi yakwe kuti anduumbe.

²⁶ Elyo Nda kati, “Saatani, kozwa mu muntu.” Wa kapepela kuzunguluka, kuzunguluka, mpawo waka wida ku matende angu. Elyo basilikali baka mulambununa kuzwa.

²⁷ Tommy Osborn wakati, “Ikuti na Leza inga wacitila muntu omwe, inga Wa citila aumbi.” Elyo aboobo...

²⁸ Elyo Tommy Osborn, muntu sicamba, muntu wini! Nda kali kunselelo ku busena bwakwe bupati okuya akubona buyake bwakwe bupati.

²⁹ Kaboola okuya a kubona Mukwesu Oral Roberts. Mpawo ba... Nda kaunka, kwinda kusule. Ba kali kuboola kunze kuzo ndibweza kuya atala. Nda kali kulanga obo buyake, bupati maningi. Nda kayeeya, "Oh, ma! Langa Mukwesu Tommy, Mwami, obo Mbo kamulonggeza." Nda kalanga awa a kubona bwa Mukwesu Oral. Nda kati, "Amuyeye buyo eco Leza ncakozya kucitila muntu, omwe mubombe! Oral Roberts, wakazyalilwa mu dindi, Mbwe yeeya, kubusena okuya. Omwe mulombe muniini uutakweankwaya wakwe, a kukonzya kumupa madola ali mamilioni mu maanza akwe, a zintu."

Lino, Cintucimwi caka ndaambila kuti, "Ee, ino kujatikizya nduwe?"

³⁰ Nda kayeeya, "Ee, peepe." Nda kayeeya, "Mulombe, inga Nda usa nconzyo kuli umwi wabo ku boola ku busena bwangu. Ndi jisi taipi laita yomwe ikkede kumamanino a buyake. Lino, Mukwesu Oral waka jisi, Nda syoma, mincini ya IBM ili myaanda yosanwe a cibuye comwe." Nda kayeeya, "Zintuzyonse zitana kugumwa naaba maanza a muntu, zilamfu *obu*." Nda kayeeya, "Oh, ma! Ikuti na kaboola mu busena bwangu, kwaamba kuti, 'Ndi yanda kubona ofesi yako, Mukwesu Branham.' Ooooh!" Nda kayeeya, "Ne kalimvwa kuusa kuli lwangu." Nda kayeeya, "Ee, Mwami, ndiza—ndiza To kakonzya kundi syoma. Ndiza Ne takali citila kuba booboo." Nda kati, "Peepe. Mwami, Uli mupatikampatila. Yebo ulizi kuti Nse jisi obo busongo bunji." Nda kayeeya, "Langa nzoba kakona!" Nda kayeeya, "Ee, Ndi yeeyela kuti Nse jisi kunji kapati."

³¹ Elyo Cintucimwi cakati, "Lungumana." Aboobo Nda kakkutila loko mpawo. Ndi yandaula Muunzi oyo wa Muyasi a Sikuucita kali Leza.

³² Lino, Nse lwani bakwesu aba bakonzya kusyoma Leza mbuli boobo, pele Nda—Nda bayanda. Alimwi Ndi lumba Leza ku kucita ceeco ku bantu balemu mbuli abo.

³³ Pele, kuli ndime, eco inga candi penzya ku lufu, ee, ikuti Ne kayandika kuba madollar, ali zyuulu zili makumi otatwe mu buzuba, ku kubeleka ncito. Ikuti na Nda jana kunji kwa bana bangu botatwe, a mukaintu wang, a lwangu, kwa kulya, a busena bwa koonena, oko nkunji kweelede kuli ndime. Mpawo ikuti na Mwami wayanda kuti nduunke kubusena bumwi, masena aya, maniini mabombe, mpawo Nda konzya kuunka. Ndiza Wa kandibamba booboo, nywebo mwabona.

³⁴ Nse kakonzya kuswaana bantu mbo baka swaana. Nse jisi busongo obo. Nse jisi lwiyo. Aboobo, Nda unka, kukombela bana Bakwe baciswa, a kulangila kuti buzuba bumwi, mu mapalesi Akujulu, kuti toonse tuyu swaangana alubo, oko nkotu

keeleli kuciswa, kuta cinookwe miswaangano ya mipailo nanka kukambaukila basizibi. Kusikila ku ciindi eco, Ndili munyoko muli Kristo.

³⁵ Lino, mateepu ayo apangwa okuno, ali, inga mwaba angawo okuya. Ba. Sothmann, akuno. Aka pangwa kale. Kwamana biyo kuswaangana, inga mwaba angawo. Ta mweelede kwaalindila. Ali mpoomya alya, inga mwaba angawo.

Elyo lino, amundi kombele.

³⁶ Elyo lino, sunumasiku, Mukwesu Shakarian wa ndaambila kuti wali kuyo ndilekela kuzwa kufwambaana. Ndi yeeye kuti oko kwaamba, “kuzwa kufwambaana.” Elyo Ndiyo—Ndiyo cita ku bubotu bwangu mbubonya kucita ceeco. Alimwi obu mukuba Bwasanu Bubotu, alimwi Nda yeeya, cifumo cino, bweza . . .

³⁷ [Mukwesu Demos Shakarian waamba kuti, “Mbangaye bayanda Branham kuliiba mu ciindi cakwe cakuzibya, nekuba, kutalikubinda?” Mbunga ya lumbaizya akwaamba kuti, “Ameni.”—Mul.] Oh! Ndamu lumba. Ndamu lumba. Ndamu lumba. Ndamu lumba. Ndamu lumba. [“Ncibotu. Nse yandi kuti mundipe kaambo.”] Peepe, mukwesu. Mukwesu Shakarian, Nse kanza eco munzila eyo. Mwabona? Nda . . . [“Tu yanda—tu yanda kuti uliibe buyo ku ciindi cako, Mukwesu Branham. Toonse tu jisi busiku okuno.”] Ndamu lumba. Ndamu lumba. [“Oko Mwami nkawabede, kuli luumuno, kuli lumbulizyo, alimwi kuli kulyokezya.”] Ndamu lumba.

³⁸ Mebo, ziindizimwi, mu kwaambaula, ikuti na Nda sanganya mabala angu onse, kundi yeezya buyo kaano kaniini Nke kamvwa ciindi cimwi, ka mulombe muniini. Ii mukutausi wakali kutanta ii—ii mugwagwa, nkabela wa kamvwa mulombe muniini kunze ku kkona, kaamba alufabbeti, “A, B, C, D . . .” Elyo waka muswiilila. Wa katambika maanza akwe kutozya ku Julu. Wa kati . . . Na kamanizya a ceeco, wa kabuka, waka sama ngowani yakwe.

³⁹ Wa kati, “Musankwa?” Kovuuluka a kulanga. Wa kati, “Ndili mukutausi.” Kati, “Nda kumvwa, ku mazwi ako, kotambikide maanza ako, koamba alufabbeti.”

⁴⁰ Wa kati, “Munene,” wa kati, “Nda kakomezegwa mu nganda ya Bunakristo. Bataata a baama baka jaigwa, cakufwambaana. Nda katolwa.” Kati, “I mutu oyo Ngwe pona awe ngu silunya kapati kuli ndime!” Kati, “Nda kali kumukombela ncobeni. Nse zyi nzila ya kupaila.” Wa kati, “Ndali kwaamba buyo oonse ma alufabbeti, a kuyeeya ndiza Leza na mvwisya nzila ya kwiibikka antoomwe.”

⁴¹ Aboobo ndiza tuyeeya buyo cintu ncoonya kuli ndime, kuti—kuti ndiza Uyo mvwisya a kucibikka mu nzila zili obo cakuti moyo mvwisya kuzwa ku i—i kaambo alimwi i . . . eco Nce jisi mu moyo wangu kutozya kuli ceeco Nce wamba.

⁴² Nse na yaamide ku–ku kusola kunyonganisiga akati ka bantu, nkaambo Nda kali akati ka bantu. Ndi jisi cintu comwe biyo Nce bona, nkabela oyo ngu Kristo, alimwi Walo wakabambulwa. Ndi bona Mbungano eyo Nje yanda, eyo Nja kafwida. Alimwi Ndi jisi kusungwaala maningi ku Mbungano eyo. Elyo Ndila—Ndila cita ku bubotu Mbwe konzya Kwi bamba aceeco Nce yeeya kuti cili mu ncililano, mu bweende bwa Ijwi lya Leza. Elyo, lino, kulangila buzuba bumwi kukkanala Butamani a ndinywe, mutala a Nyika oko nko tuyó kkala kuzunguluka mbuli mbo twabede sunumasiku.

⁴³ Mbuli ziindi zinji Nda kalanga cindi ni twakali kuba a tulimbabula a zilalilo, a zintu mbuli ezyo. Lino, Ndili muna musanza. Alimwi cicili “cilalilo” kuli ndime. Ba kanana makani aa kalimbabula aka okuno, cisusulo, a cakulalila. Nse—Nse konzyi kucita ceeeo. Lino ncinzi cacitika ku cilalilo cangu? Mwabona? Ndi—Ndi—Ndi buyo... Nde elede kuba a cilalilo. Mbo mbubo. Kususula buyo taku kondigwasya. Nde—Nde elede kulya ziindi zyotatwe mu buzuba.

⁴⁴ Pele, aboobo, Ndila yeeya, mbuli Mbwe kalanga. Nda kali kusukana maanza bamwi baalumi okuno, bakutausi bamadaala abo antela bakali kumasena amilimo cindi Ne kacili sizibi. Elyo Nda balanga, nkabela Nda yeeya kubona mvwi zya masusu abo. Nda yeeya, “Ma! balo baalumi bakali kumasena okuya, kabalwana, Nke taninga kusanduka akwalo. Nse jisi mulimo wakwiimikila awa aa cibumbili, kwaambaula ku baalumi bali boobo.” Mpawo Nda kalanga konse . . .

⁴⁵ Ee, cintu biyo ncoba kacita, ba—ba kasinsima a kwaamba zintu ezi kuti ziyo boola. Elyo Ndi yanda kuziba, bakwesu, Ndi yeeya kuti nywebo buyo—nywebo mwa kalazika buyo mabwe aantalisyo ya i . . . a kudondola masena akubelekela.

⁴⁶ Nywebo nobakwesu ba pentekoste nomwaima awa a nsakalala mu maanza anu, cindi nimwa taka jisi cikombelo ca kuunka ko, cindi bantu niba kaseka a ku muwaala maji abolede, nkabela mwa kalala mu ntolongo masiku oonse; mwaka tyola mapopwe mu mugwagwa wa njanji, bana banu bakafwa nzala. Leza alongezye buntu bwanu bwacamba! Mweelede kuba waano, kutali ndime.

⁴⁷ Pele mwa kaamba kuti kuyo boola cindi zintu ezi niziya kucitika. Ndili kkomene kumubona kupona ku cibona kucitika. Zili cisela tazina kwaambwa. Elyo Nda—Nda mulumba.

⁴⁸ Nda kalanga ansi ku tafule a ku mubona, bantu baindene. Nda kayeeya, “Kwayanda nsekalyi cisusulo andinywe aluba awa aa nyika. Pele buzuba bumwi, cindi buumi bonse bwakumana, tu yoolya cilalilo alubo, mbo mbubo, kutala okuya mu Ng’anda ya Taata, cindi twa kulanga aa tafule a kuyo bonana.” Tuli mu bbuwa lya nkondo lino. Twe elede kubinda. Pele Ndi yeeyela buyo obo mbo ciya kuba cindi Nda kulanga ku tafule a

kubona boonse bakanununwa kaba kkede okuya, kutambikizya abusena akujata maanza anu. Tuyo talika kulila. Twe elede kucita. Mpawo Mwaami uyosika a kusinda misozi yoonse kuzwa ku meso esu, akuti, "Muta lili, nobana. Ca mana. Amunjile mu lutangalo lwa Mwami lwaka bambilwa ndinywe kuzwa ku malengelo a inyika." Kwiimpana kwesu kuniini kuyo yabaala mpawo. Alimwi kuyooba Butamani obomwe upatasi. Ndiya kuyo Bu pona a ndinywe.

Atu kombe lino mbuli mbo tukotamika mitwe yesu.

⁴⁹ Taata wesu Wakujulu, Jehova, mupati singuzu Oyo wakazunzuma ku matalikilo a kuti, "A kube mumuni," nkabela kwakaba mumuni. Oh, kozuma alubo, Jehova! Kowaala Mumuni mu tuzila twesu, sunumasiku. Kowaala Mumuni aa Ijwi Lyako. Kowaala Mumuni aa buzuba mbo tuponamo. Kotuma Mumuni. Ko cipa, Mwami.

⁵⁰ Longezya bantu Bako koonse kuzunguluka inyika, oko mililo ya lubukulusyo nkoisuka mu mabazu azilundu, mu nyika ya bahedeni kuzunguluka inyika. Twa lomba kuti Uyo longezya mukutausi onse wakatumwa aa Leza. O Leza, konanika maumi abo. Koyeeya buyo, mpoonya a ciindi eci ncoonya, bantu kabatambula Muuya Uusalala kuzunguluka inyika. Bantu bali mukuponesegwa, aka kaindi nkoonya, kuzunguluka inyika. Obo mbotu Ku lumba ku cilongezyo eci cipati caboonse munyika kuti cakabambwa kukonzeka kwinda ku lufu lwa Mwana Wako, myaka yakainda ili myaanda ya kkumi afuka, masikati aya, mbuli mbo twa sekelela, obu Bwasanu bubotu.

⁵¹ Twa lomba, Mwami, kuti Muuya Wakwe Uusalala uboole akati kesu lino, aku tupa caabilo ca Cinkwa ca Buumi eco nco tubulide, eco ciyo tubamba mu lweendo kuya ambele, mbuli mbo tuboola ambali lya busena bwakubelekela, kwa mazuba aya masyoonto, kukkanla mu cimvule ca Samu lya Buumi, ku kubotelwa umwi aumwi a luswaanano lwesu antoomwe. Twa Ku lumba kuli ncico. Cali kukatulusya. Lino ko cipa, alumbi, sunumasiku, Taata, a ku zuzya buntu bwesu.

⁵² Koponya muntu onse uciswa uli waano. Obo mbotu Ku lumba ku kuponya Kwako, sunu, kwa mucizi wesu ku kuulu oko kufwaafwi a cituta cifwaafwi mu ciimo eco. Tuli lumbide, Mwami. Twa Ku lumba. Ci tondezya kuti Leza muumi ukkala akati kesu. Twa Ku lumba ku mucizi oyo waka ponesegwa kabetu aa kameneno kakwe. Ndiza inga katu tazyi akwalo eco coonse Nco kacita. Cila gambya, Mwami, kubona nzila Mbo cita zintu. Tuli lumbide kuli Nduwe.

⁵³ Lino tulongezye ambele. Longezya kubala kwa Ijwi Lyako. Kosisa balanda bako lino. Kopalula milomo eyo iyo kanana, a matwi ayo mvwa, nkambo twa cilomba mu Zina lya Jesu. Ameni.

⁵⁴ Atu jule lino ku cibalo ca kubala, na kubala kwa Lugwalo, mubwini. Ndiya yanda kubala kuzwa ku masena obilo kuzwa mu

Ijwi. Alimwi ayo azwa muli Isaya, cipati ca 53 ca Isaya. Ndi yanda kubala kuzwa ku kampango ka 1–1 kusikila kuli ka 10, kusika—kusika kukampango ka 10, mubwini. Elyo mpawo tu yanda kubala Matayo 11:25 a 26. Lino atu bale.

Nguni wa syoma makani esu? alimwi nkuulini oko janza lya MwAMI nkolya yubunwidwa?

Nkambo uyo komena kumbele lyakwe mbuli intengantenga, a kazwa ku i muyanda wa... munyika njumu: walo ta kajisi ciwa cibotu na bwiime bwa bweebesi; alimwi cindi nitwa kamubona, taakwe bubotu mbo twa keelede kuyandila.

Ula sampaulwa a kukakigwa ku bantu; muntu wa buusu... muntu wakazi aubwene mafwabi:... twa kasisa masyu esu kuzwa kuli nguwe; wakasampaulwa, alimwi tii twa kamulemeka.

Masimpe wa kabweza mafwabi esu, a kuyumuna buusu bwesu: nekubabobo twa kamuyeeyela cuti wakaumwa, kucisigwa a Leza, a kupenzegwa.

Pele wa kayaswa nkambo ka nsotoko zyesu, wa cuzaulwa nkambo ka milandu yesu: kukomwa kwa luumuno lwesu lwakali ali nguwe; alimwi ku mibunga yakwe twa kaponesegwa.

Toonse mbuli mbelele twa kasweeka; umwi aumwi wesu wanyonena ku nzila yakwe mwini:... i MwAMI... kabika ali nguwe milandu yesu toonse.

Wa kafwiinsigwa, a kufwaba, wa kapenzegwa, elyo nekubabobo tako bbamuna mulomo wakwe: walo wa kaletwa mbuli kabelele kuya kukujaigwa, alimwi mbuli mbelele kumbele lya basikugela kayuumwine, aboobo ta bbamuna mulomo wakwe.

Wa kagusigwa mu ntolongo a kuzwaku lubeta: alimwi nguni uyo lungulula nzyalani yakwe? nkambo wa kanyonyoonwa kuzwa ku nyika ya baumi: alimwi nkambo ka nsotoko zya bantu bangu wa kacisigwa. Alimwi wa kali wa...

Alimwi wa kasya cuumbwe cakwe kubelesya babi, alimwi mu burubi bwa lufu lwakwe; nkaambo ta kacita luuni, nanka cuti kwa kali lweeno mu mulomo wakwe.

Nekubabobo caka botela MwAMI ku mucuaula; walo wa kamubika ku mafwabi: cindi wa kubamba buntu bwakwe cituuzyo ca zibi, alimwi uyo bona lunyungu lwakwe, alimwi uyo vuzya mazuba akwe, alimwi kuyanda kwa MwAMI kuyo zwidilila mu janza lyakwe.

⁵⁵ Mubwini, walo ukanaana Jesu awa, Mwami wesu mubotuloko augambya. Matayo cipati 11, alimwi twenti-...kampango ka 25 a 26.

Elyo ku ciindi eco, Jesu wakavuwa a kuti, Nda kulumba, O Taata, Mwami wa julu a nyika, nkaambo wasisa zintu ezi kuzwa ku basongo a basimaanu, nkabela wa ziyubununa ku bavwanda.

Nokuba booboo, Taata, booboo . . .

Nokuba booboo, Taata: nkambo obo cakaboneka kabotu ku meso ako.

⁵⁶ Lino, ikuti na Mwami wayanda, Ndi yanda kubamba kuzwa ku cibalo eci, ku kanana aniini buyo, cakufwambaana mbuli Mbwe konzya. Elyo mpawo kukkala akuswiili ku bumboni bumbi. Ndi yanda ku bweza ciyo eci awa: *Leza Kalisisa Mwini Mu Buubauba*.

⁵⁷ Nywebo mulizi, Leza mupati maningi, Ula lisisa Mwini mu buubauba, elyo mpawo ulaliyubununa Mwini mu cintu nciconya Mwa lisisa Mwini mukati. Elyo Leza mupati maningi, Ula konzya kulibamba Mwini kuba mubombe. Eco nceci Mu bamba kuba mupati. Banji loko bala Mwi impya mu buubauba, nzila zyuubauba omo Mwa lisisa Mwini. Lino, tu lizi kuti muntu takonzyi kucita ceeci. Muntu takonzyi kulibamba mupati kwelede kuba mubombe. Mwabona? Lino eco ncecibamba Leza kuba mupati maningi, nkaambo Ula konzya kulibamba mubombe loko. Alimwi Leza tali yubununi Mwini mu bupati, mbuli mbo twiita kuti bupati.

⁵⁸ Lino, mbuli mbo twa bala Ijwi, akulangalanga Ijwi ly a Leza, tu jana nzila Leza nja cita zintu. Ta konzyi, tacinci bubambe Bwakwe. Cintu Leza ncaamba, Ta konzyi kucinca ku Ijwi Lyakwe.

⁵⁹ Cindi twa cita cili conse: Nda konzya kucita cintucimwi mu mwaka oyu, Nda yeeya kuti, “*Eci cili kabotu.*” Mwaka utobela na ndiza mvviki itobela, Nda konzya kubona awo Mpe kalubide.

⁶⁰ Pele Leza takonzyi, nkaambo Walo mupatikampatila. Muzeego wakwe mutaanzi, ikuti Na wakasola kwiitila aa cilao, ku cita, a nzila Mbwa cita muzeego oyo, eyo nje nzila Mbwa elede kucita ciindi conse oyo muzeego noweelede kubambwa alubo. Nkaambo, ikuti na Ta citi; ikuti na Ta kutauki nzila eyi ali oyu muzeego, a ciyo ncoonya caboola alubo, alimwi ikuti na Ta cinci nzila njionya Nja kacita ciindi citaanzi, nkokuti Wa kalubizya ciindi citaanzi.

⁶¹ Nkikaako, ikuti na muntu wasola kuboola kuli Nguwe ku kujana lufutuko, alimwi Wa mufutula aa mbaakanji Nja kamu futwida, We elede kufutula muntu utobela aa mbaakanji njionya. Elyo ikuti na muntu wasola kuboola kuli Nguwe kukujana kuponesegwa, nkabela Wa ponya oyo muntu aa mbaakanji imwi, ikuti na muntu utobela wasika, Walo weeblede ku muponya a mbaakanji njionya. Ta konzyi kucinca. We elede kuba mbubonya lyoonse.

⁶² Leza wakabamba bubambe. Cindi muntu nakabisya ku matalikilo, kaindi, wa kasoleka kujana nzila yakwe ya kulobokela. Wa kasola kulibambilia civumbyo, matu abukuyu a zimwi zimbi. Tii caka beleka. Pele Leza wakabamba nzila eyo muntu nja kakonzya kuswaanana a Nguwe alubo, alimwi eyo yakali kunsi lya bulowa bwakatilwa bwa ciiminizyo citakwe kaambo. Alimwi eyo nje nzila ilikke Leza nja kasola kucita kuswaana muntu. Alimwi eyo nje nzila ilikke Leza nja konzya kusola kuswaana muntu, kunsi lya bulowa bwakatilwa bwa ciiminizyo citakwe kaambo.

⁶³ Lino, tuli wano ali Bwasanu bubotu. Alimwi inyika, sunu, mu tubungwe twa Katolika, bala yavula ku matantilo alimwi, oh, nzila zinji maningi nzo tubamba tunsiyansiya, a kukuba mafuwa. “Elyo kuli zili kkumi afuka, zyaka tondezegwa kumaninina, mpikili nzoba kagusya kuzwa ku maanza aa Jesu,” bala taminina. “Aimwi mbungano ijisi yomwe.” Elyo ino ndwandaano nzi ncolu cita naa ni mpikili, na ncikobela, na kufumbwa mbocibede?

⁶⁴ Tu jisi Muuya Uusalala. Oyo ngo nguwe Kristo ngwa kasiila Mbungano, kutali bbaki limwi, kabeela kamwi ka ciingano, mpikili imwi, na cintucimwi. Wa kasiya ciibalusyo, alimwi eco cakali ca Muuya Uusalala Ngwa kasiila Mbungano. Lino, lino, eco Nca kasiila Mbungano, myaka ili myaanda ya kkumi afuka yakainda, masikati aya, mbuli Mbwa kafwa a Kalivari. Wa kapa mu maanza aa—aa Leza, Muuya Wakwe, alimwi Wa kajosegwa ku Mbungano aa Buzuba bwa Pentekoste. Lino, Leza . . .

⁶⁵ Ku matalikilo, cindi muntu naka bisya, caka tondezya bupange bwa muntu. Waali kusola lyonse kulisia kuzwa kuli Leza, a kulibambilia nzila nja kali kukonzya kululamikwa, bukombi. Obo bwakali *bukombi*, bwaamba, “civumbyo.” Aboobo wa kasola kubamba bukombi bwakwe mwini.

⁶⁶ Pele Leza wakabamba muzeezo Wakwe anzila Mbwa kali kuyo swaana muntu, oyo wakali aa Bulowa bwakatilwa. Alimwi eyo nje nzila ilikke, takukwe makani obo mbo tusola nzila imwi imbi. Obo mbusena bulikke Leza mbwaya kuswaana muntu ku luswaanano, nkuensi lwa Bulowa bwakatilwa.

⁶⁷ Leza wakaswaana biyo Israyeli kunsi lya bulowa bwakatilwa. I busena bulikke obo Israyeli mbwa kalikukonzya kukombela bwakali kunsi lya bulowa bwakatilwa.

⁶⁸ Elyo, sunu, twa soleka kabunga, twa soleka kabungwe, twa soleka—twa soleka lwiiyo. Twa soleka kuzwidilila kwa sayaansi a zintuzyonse, kusola kuleta muntu mulukamantano lwa luswaanano. Elyo caakakilwa, acimwi cazyo.

⁶⁹ Kuli busena bomwe muntu mwakonzya kuswaana akuba aluswaanano a Leza, a luswaanano kuli umwi aumwi. Obo mbwa kunsi lya ku ciingano, cindi aumwi muntu wazumina

Bulowa bwa Jesu Kristo. Ta ndikwe ndaba, muli boonse bupange bwakwe bugambya, ucikonzya kutambikizya a kubikka janza lyakwe ku janza lya muntu uutobela a ku mwiita kuti "mukwesu," cindi twa swaana ku ciingano awo Jesu mpa kafwida.

⁷⁰ Tuya buba bukkalo bwasayaansi. Zintuzyonse zyeelede kutondezegwa, munzila yasayaansi. Tu pona mu bukkalo bwa sayaansi, mbuli mbo kwa kaambwa kumbele ku Bbaibbele, "kukompama loko kwiinda kusongwaala loko," mbuli mbo twa...mbuli mbo kwakaambwa kumbele. Alimwi tu pona mu bukkalo obo. Alimwi mbo twiindila kuvwentaufuza mu sayaansi, tu sakana kuzwa kuli Leza. To kakonzyi kutondezya Leza munzila yasayaansi.

⁷¹ Elyo zikwabilizyo zyonse zya Munakristo ncigambyociindi ncobeni. Takukwe zya kunyama. Iktuti na wakonzya kutondezya Leza, nkokuti taku ciyandikani lusyomo. "Pele oyo uboola kuli Leza weelede kusyoma kuti Mpali." Nku lusyomo. I zikwabilizyo zya Munakristo ndusyomo.

⁷² Dr. F. F. Bosworth, umwi wa beendelezi bangu bataanzi, wakalemba bbuku litegwa *Kulanga Kuli Zitabonwi*. Lino, bunji bwanu mwa kalibala, kwiina kuzumbauzya. Ndi bbuku bbotu loko, i... zya kulanga kuli zitabonwi. I Munakristo ulanga ku zintu nzya taboni.

⁷³ Lino atu bweze buyo zikwabilizyo zya Bunakristo a kubona na ncigambyociinda: luyandisyo, lutangalo, luumuno, lusyomo, kukkazikamoyo, lubombo, buuya, lukakatilo. Zintuzyonse ncigambyociinda. Luyandisyo! "Koselemukila ku cintoole ca misamu a kuula mbali ikkwana luyandisyo. Nda luyanda." Wabona? Inga to cicita. "Konduulila luumuno lwa dollar lyomwe." Inga to cicita. Wabona? Cintuconse ncigambyociindi. I zikwabilizyo zyonse zya Leza ncigambyociinda. Mbungano Yakwe ilagambyakwinda. Taili kabunga. Walo Mubili ugambyakwinda oyo baalumi a banakazi mobazyalwa ku Muuya Uusalala nkabela Ni nzila ngubauba.

⁷⁴ Leza tabambi cintu mu buyumuyumu, zya marozari manji loko, a zinji loko *ezi*, a kusangana *ezi*, a lwiyo lunji loko, kwiya kwabukombi kunji loko. Baa, tula litantamuna kulaale a kulaale kuzwa kuli Leza, ciindi coonse, mu kucita boobo.

⁷⁵ Sunu, tuli basayaansi maningi mane tula konzya kuziba kuvula kwa mamolekyu akatola kupanga atomu, kuvula kwa ma elektroni, a zimwi zimbi; a kupasaula eyo atomu, a ku kwaambila nzila mbo kucitwa; kupanga bbomba lya atomiki, elyo mpawo inga twa pandulula nzila mbo kucitwa; pele kweenda atala lya itu lya bwizu ndo tutakonzyi kupandulula.

⁷⁶ Leza, mu buubauba. Leza waka liyubulula Mwini mu buubauba. Ula liyubununa Mwini ca bubombe. Nkwa kuti basongo bata kamvwisyi. Jesu wakati, "Nda Ku lumba, Taata,

Wa sisa Eci kuzwa ku basongo a basimaanu, aku Ci yubununa ku bavwanda banga bayo iya.”

⁷⁷ Uta soli ku liyiisa lwako kuli Leza. Cindi wa cita, ula liysiwa lwako kuzwa kuli Leza. Mwabona? Leza ta zibwi kwinda ku lwiyyo. Leza, ula zibwa ku lusyomo. Alimwi kulebula kutaanzi oko dyabolosi nkwickatola kwakali aa bubambe lwalwiyyo, alimwi muntu waka sweekelwa luswaanano a Leza. Obo mbombubo. We elede kuziba Leza ku lusyomo, kutali eco ncakonzya kupandulula; kuli ceeco nca syoma, eco nca takonzyi kupandulula. Cakuti, tula sintanya nconzyo cifwanikiso.

⁷⁸ Lino, sunu, zintuzyonse mbubambe bwalwiyyo. Iiyi. Tula bwiindilila bubombe, itu liniini lya bwizu. Tula tuma bana besu ku zikolo zya Bbaibbele a makkolegi. Lino, amuyeeye, Nse sampaولي ezyo. Nse iminini kutaiya. Pele Ndi sola ku mwaambila bufula bwalo. Elyo mpaawo mpo tubamba... Nywebo mulizi kuti kuli cintucimwi cilubide.

⁷⁹ Elyo cili mbuli mu miswaangano yangu. Ziindi zinji, cindi Nda ba a miswaangano, Ndila jana abo bakakilwa mu muswaangano umbi wa luswaanano. Nkaambo, ziindi zikubwene...

⁸⁰ Nda kalangilila Mukwesu Roberts. Umwi wakati, “Mukwesu Roberts, Mukwesu Branham, uyo kombela bali myaanda yosanwe kakuli kukombela botatwe.” Mbo mbubo. Ncamasimpe. “Uyo jana bumboni mu bubili.” Ncamasimpe. “Ziindi zili kkumi ku bumboni.” Mwabona? Nkaambo uyo... Kwalo, kuyeeme a lusyomo lwa bagame ku kukombelwa. Pele, bamwi babo bakakilwa omuya, mpawo bala boola ku muswaangano. Nkaambo...

⁸¹ Mpaawa, dokotela ulikkede lino. Ikuti na dokotela... Ukinke ku ofesi ya dokotela, akuti, “Nda ciswa mwida mwangu, akuba a kuciswa mutwe, azimwi zimbi.” Elyo dokotela wakulembela buyo bulempo bwakusilikwa bwa—bwa asipulini na musamu uutontozya, cintucimwi, tana kulangalanga bulwazi obo. Walo usola buyo ku kundi gusya moofesi. Wabona? Lino, ikuti na wakubikka ku moyo wakwe, a kubikkila maanu, uyo langalanga bulwazi obo kusikila wa jana kaambo.

⁸² Elyo cindi mwaalumi nacisidwe, na mwanakazi a cintucimwi cakacitika, kuli nzila yomwe biyo iluleme ya kujana ceeco, nkuti, kujokela a kujana kaambo. Kojokela mane uka bone eco ncoba kacita. Mu miswaangano, amuba langilile kabaimikila aa eibumbili. I Muuya Uusalala ulati, “Myaka ili kkumi yakainda, wa kali kubusena bumwi, nkabela wa kacita cintu cimwi. Alimwi waka cita ceeci, a cimwi.” Mwa kakumvwa, bunji bwanu, mu miswaangano. Mwabona? “Wa kacita ceeco. We elede kululamika ceeco, lutaanzi.” Elyo mpawo, ikuti na basyomezya ku cicita, mpawo muyo Cimvwa kaciyutuka kuti, “MBUBOOBU MBWAAMBA I MWAMI.” Amu ceengele mu mabbuku anu.

Sena mwa kasola kucibona kukakilwa? [Mbunga yaamba, “Peepe.”—Mul.] Nee ncobeni. Ta cicit. Ta cikonzyi. Ino ncinzi? Wabona? Yebo, cintu citaanzi, weelede kujana kaambo kutana konzya kuleta kusilika. We elede kujana kaambo ka ncico.

⁸³ Elyo lino, sunu, tu sola kuyisya bantu muli ceeco, ku kulanganya kwa sayaansi kuli Leza, nkabela tamu konzyi kucita ceeco. Leza tazibwi ku sayaansi, pele ku lusyomo tula muziba Leza.

⁸⁴ Elyo inga Nda amba ceeci, kuti—kuti muntu inga wakkala ansi akulanga cikama ca malubaluba, akusekelela, a kulangalanga eco kwa maminiti ali makumi otatwe, cakusinizya a moyo wakwe oonse, a kuziba buyo Leza kwinda mbwa cita ikuti na waziba, kajisi oonse madigrii ayo cikolo ca Bbaibblee nga konzya ku mupa, nkambo Leza ulaliyubununa Mwini mu dubaluba. Tula libona kalifwa a kubuka alubo, bubuke. Tula bona mibala yobilo na yotatwe mu musyobo ukozyenyne nguonya wa dubaluba. Nkokuli oyo mubala nkowa kazwida? Amuu pandulule kuli ndime. Mbobuti mbo waka sika kuya? Nkokuli nko uunka, alimwi sa lila jokela? Mbobuti mbuto eyo mbo yeelede kufwa, a kubola, a kupilukila alubo? Leza, kalitondezya Mwini mu buubauba, mpawo kulisisa Mwini alubo mu lufu, kulitondezya Mwini alubo mu bubuke. Mwabona? Cili buyo . . .

⁸⁵ Ta mweelede kuziba cintu coonse. I cintu cilikke nco mweelede kuziba nkuba a lusyomo muli ceeco nco langilide, eco nco syoma. Mwabona? Amusyome. Oora lyomwe inga lya cipandulula ncobeni, inga kwa muiisya kunji kujatikizya Leza kwinda madigrii oonse ngo mukonzya kuba awo.

⁸⁶ Leza mupati maningi, Ula konzya kulibamba Mwini mu bubombe. Lino, eco ncecibamba Leza kuba mupati, kulii ndime, ni nzila Mbwa konzya kulibamba Mwini kuba mubombe. Alimwi eco, ku kucita, Mwini, Ula lisisa Mwini kuzwa ku bapampu a basongo. Lino amuciyeeye buyo eco. Ula lisisa Mwini kuzwa kabantu bapampu a kulyubununa Mwini ku bantu babombe. I Bbaibblee lya kaamba, muli Isaya 53, “Kwalo, nokuba, mufuba taka leyi mu nzila, Yalo ni ngubauba loko.” Elyo mbuli mbo musola ku Li mvwisya, aku Li langalanga, mumvwisya buyo kuzwa kuli Leza. Ciindi conse mwa cita ceeco, muli tantamuna buyo kulaale a kulaale. Amuleke kusola ku Li mvwisya. Amusyome buyo obo Mbwa kaamba. Nku koonse kuli Ndilyo, amu Li syome buyo. Elyo mpawo ulalisisa Mwini kuzwa ku basongo, akulitondezya Mwini ku babombe. Muntu takonzyi kukomena obo.

⁸⁷ Ii muntu, kufumbwa buyo ali janina digrii lya musyobo umwi, ula ziba kunji kwiinda mulombwana utobela. To konzyi ku mwaambila cintu. I mambungano, sunu, ala yanda kuli kankaizizya mweembeli wako, nkaambo walo ngu sicikolo wa seminari *imwi-imwi*. Uli jisi ii—ii B.A., uli jisi D.D., L.D. Ee,

ayo taambi cintu comwe. Ayo taciti. Inga kajisi B.A., a D.D., a obilo ma L.D., akuta ziba akwalo kupasaaula bunganya kuzwa kuli kkofi. Eco—eco ta cambi... Mundi jatile bukanazi obo. Obu tabuli busena bwa kudana, nywebo mwabona. Nse—Nse kanzili eco. Peepe, munene. Amundi jatile. Nda amba ceeci, kuti eco tacikwe cintu comwe cakucita a Ndilyo.

⁸⁸ Mula ziba Leza ku lusyomo, alimwi oko kulikke. Eco caka tondezegwa cindi Jesu nakasika ku nyika, alimwi abo Bafarisi abamwi, madirii atala maningi, bapampu maningi, bantu bapona busalali maningi abo mbe twa kajisi. Nekuba butongo bomwe kuli mbabo, bakali kuumwa mabwe kakutakwe luse. Elyo Jesu wakati, “Muli bauso wako, dyabulosi; milimo yakwe muyo icita.” Nguni wakali kukonzya kutondeka munwe a kwaamba?

⁸⁹ Tula ita “cibi,” kuti nkucita amamambe, ku beja, kufweba misanga yatombwe, kunyeela tombwe. I... Eco tacili cibi. Eco tacikwe acakucita a cibi. Obo mbube bwa kutasyoma. Kuli cibi comwe biyo, oko nkutasyoma. “Oyo uuta syomi wazulwa kale.” Cindi muntu akukaka Eco, Eco, Ijwi lya Leza, eco ncibi mpoonya awo.

⁹⁰ Jesu wakati, cindi Na kali aa nyika, “Nguni ukonzya ku Ndi pa mulandu wa cibi? Nguni ukonzya ku Ndi tondezya kuti Nse kazulizya zintuzyonse zya kasinsimwa Ndime? Cindi Ne kasika, Nda keelede kucita zintu zili *boobu-boobu*. Nguni ukonzya kutondezya kuti Nse kacita mbubonya ncobeni eco Lugwalo neo lwaamba kuti Nda cita? Amulingule Lugwalo, nkambo muli Ngawo muyeeya kuti mujisi Buumi Butamani, alimwi Alo Nga lungulula Ndime.” Mwabona? “Nguni ukonzya ku Ndi pa mulandu wa cibi?”

⁹¹ Lino, abo bantu okuya, oh, ba kacita kusanzya mipika a nketulo, a kusamba kabatanninga kulya, a toose otu tunsiyansiya twa lyonse nto bakeelede kwindamo. Pele Jesu wakabapa mulandu boonse, akuba bikka ambali, aku bambila kuti bakali madaimona. Sa inga mwayeeya cintu cili obo?

⁹² Sena mula syoma kuti inga Na cita cintu nciconya mu mambungano sunu? Inga nacita nconzyo. Twa lizambaila mu tunsiyansiya a zintu, kusikila twa kalnjizya mu kunyongana monya motwa kabede kaindi. Elyo lino, cindi Leza alitondezya Mwini mu buubauba, mpawo taba Li zibi, pee. Kulaatala ku nzila yabo. Baka Li bamba moonse munzila njoba Li yeeyela kuba, alimwi, ikuti na Tali booli mu nzila eyo, tabaka Li tambuli. Eyo nje nzila ilikke. Eelyo ndyakali penzi lyoonse.

⁹³ Amuyeeye, nzila yaatala njaansi. Lino, mbo mbubo. “Oyo ulibombya mwini uyo sumpulwa.”

⁹⁴ Mbobuti mbo ziba naa njiili, mpaali atala, alimwi ansi? Ikuti na inyika iimvwi mu mwaakwe, sa Northi Poolo ilatala, na Southi Poolo ilatala? Njiili imwi? Mwabona?

⁹⁵ Elyo wati, "Oh, ntanda yaku bucedo, a ntanda yaku mangolezya." Yalo ni ntanda yomwe. Mwabona? I mumuni nguonya wapegwa kuseeni, ni ntanda njionya yaku mangolezya, inyika ila zunguluka nconzyo. Kwa mana. Mwabona? Aboobo tacili ciyumuyumu loko, akwalo. Ndusyomo buyo lubombe, ku kusyoma Leza. Amubone. I nzila yaatala, Nda amba, njaansi. Wa . . .

⁹⁶ Twe elede kusyoma Leza. Twe elede ku Mu syoma ku Ijwi Lyakwe. Ta tweelede kusola kumvwisya zintu. Pele, kufumbwa buyo eco Leza ncaamba, Muuya wini wakasimpe wa Leza uyo zuminana a Ijwi lyoonse ilya Leza kubelesya "ameni." I Muuya Uusalala wakalemba Ijwi.

⁹⁷ Ikuti na Muuya Uusalala wakalemba Ijwi, nkabela Muuya Uusalala uli muli nduwe, mbobuti Mbo ukonzya kwaamba kuti, "Ee, Eco cakali ca bukkalo bumbi"? Mbobuti Mbo unga waamba, cindi Nilya kati, "Jesu Kristo ngu mbobuca nguwenya, sunu, amuya myaaka," alimwi usola Kuu bikka mu bukkalo bumwi bwa kaindi okuya, na bukkalo bumwi buciza?

⁹⁸ Muntu ucili mbubonya. Lyoonse ulumba Leza kuli ceeco Nca kacita, kalangila kunembo eco Ncaya kucita, akuta bikkila maanu kuli ceeco Ncali mukucita. Oyo muntu mbwabede ncobeni, lyoonse. Alimwi ula cita cintu nciconya asunu. Lyoonse ulacita eco. Walo, oyo muntu, alimwi weelede kuzwa muli ceeco. We elede kulekela muzeezo oyo wakali muli Kristo kuba muli nduwe.

⁹⁹ Leza kabeleka a muntu lyoonse kwakali mu bubombe. Tana kabeleka a bantu mu bwaambe bulemu ncobeni bwalwiyo lwabukombi. Amu ndaambile ciindi comwe Naa kasola kucita. Tana kucita. Ula libamba Mwini mububombe. Alimwi muntu uyanda ku Li bamba kusyupa loko. Ula libamba Mwini kuba mupati, kwinda kukuli bombya Mwini.

¹⁰⁰ Lino, cindi muntu ajana lwiyyo lusyoonto, na madigri masyoonto, ulizi kunji loko mane tokonzyi ku mwaambila cintu. Pele ikuti na wa konzya buyo kuzumanana kuya buba mupati kweelede mane wakonzya kulicesya mwini, mane tacizi cintu, mpawo inga walulama. Pele ta konzyi kukomena obo. Mwabona? Ta konzyi buya kukomena obo.

¹⁰¹ Alimwi Leza mupati obo. Walo mupati loko mane inga Wa libombya Mwini. Pele swebo ta tukonzyi, bupati, ku komena kweelede kutubamba kulibombya. Olo ndo lwaandano. Alimwi aboobo Leza ulalisisa Mwini mu bubombe amu buubauba. Alimwi muntu, busongo bwa inyika, bulangila eni atala ali Ndilayo. Ta cigambyi Isaya wakati, "Nguni wakasyoma bulunguluzi bwesu? Nkuulini ikuboko kwa Mwami nko kwayubununwa?" Jesu wakati, "Nda Ku lumba, Taata, wa Julu, a nyika, kuti Wa kasisa Eci kuzwa ku meso aa basongo a basimaanu, nkabela uyo Ci yubununa ku bavwanda bali obo

bayo iya.” Bubombe, buubauba, amulangilile obo Leza mbwali bombya Mwini.

¹⁰² Amulange. Amulange ku Edeni. Kusyoma buyo Ijwi Lyakwe, kwakali koonse nkoba keelede kucita, ku kupona. Lino, Leza ta kati, ku kaambo aka kataanzni, kuti mweelede kujana madirii manji aa ku kkolegi ngo muya kweelela kuba awo. Wa kati, “Eli ndi Ijwi Lyangu. Amu Li syome, kupona. Kuta Li syoma, mwafwa.”

¹⁰³ Lino, Eva ta kaunduluzya lyoonse lya Ndilyo. Waa kaunduluzya buyo mbali yomwe niini ya Ndilyo.

¹⁰⁴ Lino Ndi yanda ku mubuzya mubuzyo, bakwesu, bacizi. Ikuti na Leza wakalekela koonse oku kucitika nkambo Eva wakaunduluzya mbali yomwe niini ya Ijwi, a kucitya bantunsi kusika ku busena mo cibede, sa muyeeya kuti tuyosola kupilukila, kuunduluzya mbali imwi ya Ndilyo? Amu ciyeeye. Ikuti na Leza wakonzya kubona bavwanda baniini kabapenga, lumamba a mapenzi, pamba a kufwanzala, malwazi a bujaiyi; a zintu ezi zyoonse zya kacitika, koonse nkaambo ka mbali yomwe niini ya Ijwi Lyakwe lya kazumbaузigwa. Sena muyeeya kuti tuyosola kupilukila, kuzumbaузya mbali yomwe ya Ndilyo? Ikuti na caka tolela eci coonse, sa Uyo mulekela kujokela kutija, kumulekela kuunka kuli koonse, kwaamba, “Nse citi. Konzyi ku Li mvwisya. Nse Li syomi, nekuba”? Peepe.

¹⁰⁵ We elede ku Li syoma lyoonse, takukwe makani mbo Li boneka kubomba. Ko Li syoma, nekuba. Kwaamba, “Ee, Nse Li mvwisyi.” Ko Li syoma, nekuba. To elede ku Li mvwisya. We elede ku Li syoma. Ko Li syoma buyo, nekuba. Lino, eyo nje nzila njo tubebede sunu, cintu nciconya, oyo Leza.

¹⁰⁶ Cili mbuli impi iya ku kulwana. Tuli jisi basikutwela mu England. England ili jisi basikutwela okuno. I basikutwela nkobali lyonse, kuzunguluka inyika. Nkaambonzi? Ba yandaula maseseke esu aampi. Cindi twa jana musyobo umwi wa maseseke aampi, kufumbwa buyo kuti bakonzya kwaajana, bala bweza cintu nciconya, na cintucimwi, ku kacilwa. Ni nkani ya lumamba.

I nkani ya lumamba mpati loko, yaba, ni nkani ya lumamba lwa kumuuya.

¹⁰⁷ Lino, cindi Leza nakaziba kuti eci cakali kuyo citika, Wa kacitila bana Bakwe mbuli United States mboi citila mpi yayo. Tula pa baalumi helomenti ya kusama, nkaambo tu lizi kuti uyo ibelesya. Tula pa ii—ii focolo lya kusya mukati. Tu lizi kuti ni mpaundi mpati, itandila cibeela ca mapaundi ali makumi alifuka kusule lyakwe. Siciiya muncito muniiini kaibweza, walo nconzyo uli ii—ii cintu ciyumu kuli nguwe. Pele mpi ilizi kuti beelederku myiisya ceeco, nkaambo ula ciyanda. Kabeela koonse ka zibelesyo, uyo ziyanda cindi akusika ku bbuwa lya nkondo.

¹⁰⁸ Elyo obo mbo tweede kucita sunu, mweenzuma. Twe elede kubweza Ijwi lyoonse lya Leza, nkambo tuyu Li yanda. Twe elede kubelesya Ijwi lyoonse lili Omuya. Ngu MBUBOOBU MBWAAMBA I MWAMI, alimwi tweede kubelesya Makanimabotu oose, oonse aa Ndilyo. Lino, cindi Leza naka sita Mbungano Yakwe, Wa Kai sita ku cintu ciinda eco Nca kakonzya kujana, nkaambo balo mbana Bakwe Mwini. Elyo Wa kasita Mbungano ku Ijwi, Ijwi Lyakwe Mwini. Amubalombe buyo kusyoma Ijwi Lyakwe, nko koonse kwakaliko.

¹⁰⁹ Elyo Saatani, ku busongo bwakwe, kacitya Eva kumwaya eco cisitilizyo, mu busena buyo bomwe. Saatani wakazumina kabeela koonse ika Ijwi kuti lyakali luleme, pele wakati, “Nincobeni . . .” Nku koonse nkwa keelede kuziba. “Nincobeni tamu kafwi.” Lino, ayo akali mapolelo. Wa kagwisya Eva kuzwa kunze kwa Ijwi eelyo, kubelesya kuzumbauzya komwe kuniini.

¹¹⁰ Nko nkuko nconzyo nkwbikka mbungano sunu, cintu nciconya. Oko kuzumbauzya buyo komwe kukuleta ku lubazu olu. Alimwi lino kwiina nzila ya kusola lyonse kuyeeya kuti Leza uya kusola kukuvuna kwinda mu kuzulilwa ku mbungano, kuzulilwa ku kabunga, na nkamu, na kufumbwa mbo cibede, na kunyanyamukwa kumwi.

¹¹¹ We elede kusyoma Ijwi Lyakwe a kucita mbubonya. Yaa. Kuli . . . Eyo nje nzila ilikke. Ayo mabambe aa Leza ku matalikilo. Ayo mabambe aa Leza muciindi ca buumi. Ayo mabambe aa Leza lino, nku, Mbungano yeelede kukkanala kunze lya Ijwi. Eyo nje nzila ilikke nja, njo konzya kuba kabotu.

¹¹² Amubone Nowa mu mazuba akwe. Twa cikanana kuseeni sunu. Ku mazuba akwa kwakali ciindi cilemu cabupampu, nkabela bantu bakali basongo. Elyo Nowa, bukkalo bwakwe bupati bwabupampu, Leza wakaseluka kuzo futula bantu bakasalidwe.

¹¹³ Sena mula syoma kuti Leza uli jisi Mbungano yakasalwa? [Mbunga yaamba, “Ameni.”—Mul.] Nincobeni, Uli jisi. Alimwi Uyo boola kufutula abo Basale. Bamwi babo, mba kudubuzya buyo mu nkondo. Pele Walo—pele Walo ulizi kuti kuyooba banji babo baya kufutulwa, nkaambo, “Wa kabikka mazina abo mu Bbuku lya Buumi ilya Kabelele kuzwa kumalengelo aa inyika.” Obo mbombubo kweendelana a Lugwalo.

¹¹⁴ “Alimwi sikulwanakristo, ku mazuba akumamanino, uyo cenga boonse bali a mazina atakalembwa mu Bbuku eelyo kuzwa kumalengelo aa inyika.” I Bbaibbele lyakaamba boobo. I sikulwanakristo, uukozyanya loko, iyooba Pentekoste, mbuli mbo kweelede. Mwabona? “Pele iyo cenga abo bali a maziba atalemedewe mu Bbuku lya Buumi kuzwa kumalengelo aa inyika, cindi Kabelele naka jaigwa.”

¹¹⁵ Amubone. Lino, tula jana obo, Saatani, kuti oyo sikwiiminina mupati, wa kali kukonzya biyo kujana mbungano,

ciindi citaanzi, kwinda ku kuzumina busongo bwakwe bwa inyika, akuzwa ku lusyomo lwalyonse olo Leza ndwa kabaambila kuba alo mu Ijwi Lyakwe. Ayo akali mabambe Akwe mataanzni. Wa kazwidilila okuya. Alimwi mpaawo mpa kacicitila, ciindi conse. Oh, ikuti twa konzya biyo kubona eco kuti nce ncico. Elyo cindi nakonzya ku kugwisya kuzwa kunze lya Ijwi eelyo, nku koonse nkwaede kucita. Uli—uli mu maanza akwe mpoonya awo.

Amubone, amusyome buyo Ijwi Lyakwe, a kupona.

¹¹⁶ Lino, Eva, Oko tee kwakali kunji kuli nguwe. Waa kacita kujana bumwi busongo bwa inyika.

¹¹⁷ Eyo nje nzila njo tucita asunu. Twe elede buyo kuba a dokotela umwi, Ph.D., LL.D., kutwaambila makani a Ndilyo. Mukwesu, ikuti na ciliimpene ku Ijwi eli, kocisiya cilikke. Ta ndikwe ndaba ikuti na ngu poopu wa Rome, na kuti ngu i...kufumbwa kabunga kazyuuno, na archibishopo wa Canterbury. Ta ndikwe makani na nguni. Ko syoma Ijwi lya Leza. Elyo koleka ijwi lyoonse limbi libe bubeji, ikuti na cili conse ciliimpene ku Ijwi.

¹¹⁸ Nda kajana cintu eci comwe. Kuponena ku Ijwi. Ikuti na Leza wapanga cisymezyo, Ule elede kuzulizya Ijwi eelyo. Ikuti na Ta zulizyi Ijwi eelyo, nkokuti tali Leza.

¹¹⁹ Lino, Leza uyo beteka inyika kwinda ku ceelesyo cimwi, buzuba bumwi. Lino, ikuti na Uyo ibeteka ku ceelesyo mbuli mbungano ya Roma mboi twaambila, ya mbungano, mpawo njili mbungano? Kuli tubunga twandeene tuli myaanda ilifuka. Njili kai? I Baptisti yaamba kuti nje ceelesyo. I Pentekoste ilati cayo. Katolika ilati cayo. Kuli ndime, takwe iimwi yazyo.

¹²⁰ I Ijwi Mbwini. “Kufumbwa uyo gusya Ijwi lyomwe kuzwa kuli Eli, na kuyungizya lyomwe ijwi kuli Ndilyo, nciconya ciyo gusigwa, cibeela cakwe, kuzwa mu Bbuku lya Buumi.” Mwabona? Ndi Ijwi lya Leza, Leza ndya yobetesya muntu.

¹²¹ Nzyalani mpati ya Nowa okuya, cindi nibakali basongo loko, Leza waka batumina mulumbe. Elyo cindi Na kacita, Ta katuma angelomupati. Wa katuma mulimi, waka jisi mulumbe muniini mubombe, pele wakali kuba tondeezya. Lino, sa muyeeya kuti inga baya kuutambula? Peepe. Nkaambo, wakali mubombe loko. Ikuti na—ikuti na tii wakali mubombe loko, niba kautambula. Ikuti na wakali cintucimwi cipati, noka baambila nzila ya kuyaka piramidi eyo yakali mpati maningi kwinda eyo njo bakayakide kale, a zimwi zimbi, kwayanda niba kautambula. Pele Wa katuma muntu waansi kajisi mulumbe, kuteeti, “Iya kuwa mvula.” Oko tii kwaka kkwanya lwiiyo lwabo lwasayaansi. Baa, ba kakonzya kudubula milengalenga, kubelesya redar na cintucimwi, a kutondezya kuti kwakanyina meenda kujulu okuya.

¹²² Pele Nowa wakati, "Leza wakati inga kuyooba meenda okuya. Elyo ikuti na Leza wakati inga kuyooba meenda okuya, nekubakuti takaliko okuya, Ula konzya kwaabikka okuya, nkaambo Wa kali Mulengi." Nce ncico. Takukwe makani eci umwi umbi ncaamba, Leza wakaamba obo, alimwi Leza ula konzya kuzwidilizya Ijwi Lyakwe. Oyo mulumbe, muniini mubombe wakatapatila inyika ku mazuba akwe, a kuvuna beng'anda yakwe mwini. Mbo mbubo. Wa bubombe, taakwe zyanguzuuzu, buyo muubauba, "Kweendela mu bwaato." Nku konse kwakali kuyandikana. "Amusyome akweendela mukati." Leza wakavuna inyika ku buubauba, kalitondezya Mwini kuba mubombe loko. Eco cakali...Ino cakali cinzi? Leza kalisisa alubo kuzwa ku basongo beni, bayiide.

¹²³ Uli onse ulizi kuti bantu abo ba kuzambangulwe bakali basongo loko kwiinda mbo tubede sunu, bakasumpukide kulaale mu sayaansi, azimwi zimbi kwinda mbo tubede sunu. Baa, bala konzya kusya mitunta yabambwa kutabola yakainda okuya. Elyo tii twa kakonzya kuba a mitunta yakabambwa kutabola sunu. Tii twaka konzya kusandula mubili mbuli oyo. Ba kali jisi mibala eyo nje tuta konzya kweendelana asunu. Ba kayaka mapiramidi a cibumbwa camabwe cijsi mutwe wamuntu amulavu, azimwi, nzo tutakonzyi kweelana ikuti na twa yandika kucita. Ta tujisi zintu zya kuyasya. Ta tujisi nguzu zya ku cinyamuna mujulu omuya. Ta tukonzyi kwiiyaka, pele ba kaiyaka. Nkaambonzi? Ba kali basongo kwinda ndiswe.

¹²⁴ Elyo mu mukowa oyo mubotu, wakaiide, musongo wa bantu bapampu, Leza wakatuma mulumbe, mubombe loko, cakuti bakalebwa kuselemuka ku tako. Ba—ba kaukaka a kufutata. Elyo kululama kwa Leza kuyanda lubeta, abo baakaka mulumbe Wakwe, nkabela Wa kapa mulandu ku inyika a kwiibbizya kunsi ly nyika, kwinda ku zambahngulwe. Elyo wakafutula Nowa, mululami, oyo wakasyoma ku mulumbe, muniini mubombe oyo Leza ngwa kabelesya. Cakali cinzi? Leza kalisisa mu buubauba. Oh, iyi. Iyi, munene. Kanji, mbuli mbo bacita lyoonse, baka usyoma.

¹²⁵ Ciindi cimbi, elyo nikwakali ciindi cakuvunwa kuba afwi, Leza wakatuma muntu mubombe, uuzwa ku mukwasyi mubombe. Ta kabweza umwi mukwasyi wampuwo. Mukwasyi wa Musa, tu jana kuti wa kali muntu buyo mubombe, mukwasyi uzizilwe iwa mukowa wa Levi, Nda syoma. Elyo ba kabatondezya, mukwasyi oyu.

¹²⁶ Wa kalekela Musa kunjila a kuba muntu uyiide maningi mu cisi coonse. Wa kali kukonzya kuiiysa busongo kubana Egepita. Wa kali muntu wampi, tu laambilwa kwinda ku makani akale. Wa kalizi toonse tumpangaliko, nzila ya kucicita. Elyo Leza wamulekela kwiiya boobo, a kutondezya kuti tokonzyi kuzwidilizizya Leza mu ciyanza eco. Mpi yakwe, ya mizeeza yakwe yoonse ya bupampu busale, wa kakacilwa kuli

nkuko cakuusa a cabubyaabi. Leza wakamulekela ku cicita, kamulekela kwiiya a kuba musongo. Elyo mpawo caka Mu tolela myaka ili makumi one ku muyiisya, elyo mpawo myaka ili makumi one ku lugusya kuzwa kuli nguwe, Ka taninga konzya kumu belesya. Mbo mbubo. Mbo mbubo. Kamutola kumbo lyalukula a kugusya lwiyo lonse ndwa kajisi.

¹²⁷ Oh, cintu cilikke ndipenzi asunu, lyoonse tu sola kulongela, ku Kuboola. Twe elede kulonganona, ku Kuboola. Kweelede kuba mwaakwe uta jisi cintu okuya. Kweelede kuba cintucimwi, nzala. Tu sola kusungilizya a kukwela. Ta tweede kuno cita ceeco. Ikuti na muntu ufwide nzala ya Leza, kuli busena buta jisi cintu, bwa Nguwe. Kwa mana. Pele, kusikila okuya, ta tukonzyi kusinkila Leza mu busena. Inga twa mubamba kuba a tulengwa twabuzumini, a mpeyo, azimwi, a kulemekwa bweenzu. Pele tacikabeleki nconzyo kusikila oyo muntu, mwini, yanda Leza. Iiyi, munene. Aboobo mabambe esu akapangwa amuntu atagwasyi. Amunjile muli a Leza. Mbo mbubo ncobeni. Kusangana mbungano, kusukana manza, ziimo zya lubbizyo, a zilengwa zyakutuula na kusekelela a—a marozari, azimwi, mbufuba!

¹²⁸ Nku zyalwa. Elyo Leza... “Bali acoolwe abo bafwa nzala a nyota ya bululami, nkambo bayo kkutisigwa.” Mbo mbubo. We elede kuba akabeela katakwecintu. Ncinzi cibamba bantu kuba anzala?

¹²⁹ Ncinzi cibamba bantu kuunka awa a kucita nzila njoba cita? Ncinzi cibamba aba banakazi mu tugwagwa, kweenda kaba samide zisani zya bwaamu? Ino basola kucita nzi? Ba sola kukkanitya nzala. Alimwi ncinzi ncoba fwida nzala? Nku kaambo kakuti balengwa kuti kabafwa nzala. Pele eyo nzala, muntu umwi atasoli kutontozya eyo nzala isalala Leza nja kakubamba, kufwa nzala Yakwe, akusola kwiikkutya kubellesya zintu zya inyika. To jisi nguzu zya kucita ceeco.

¹³⁰ Muntu umwi tasoli kuba acamba cakubikka zisobano zya bingo a zizyano a zintu mu mbungano, a zilalilo zya misinza zya kuvozya mweembeli wanu, musyobo umwi wa kusangabalisywa kwanyama, akulita lwako kuba mukombi, a zintu mbuli ezyo, kutontozya eyo nzala isalala! Kakuli, mweelede kuti kamujisi ng'anda yamujulu okuya, kukombela lubbizyo lwa Muuya Uusalala ku kuzuza eyo mbunga ya bantu. Tamu jisi nguzu.

¹³¹ Pele Uli bombede loko. Ta ukkwanyi zyeelelo zyako. Lwiyo lwako lwakaindila atala ali Elyo. Mwabona? Uli musongo kwindilila. Uyanda kuyiisya bantu muli Nguwo. Tamu yandi mweembeli oyo uuzyi Muuya Uusalala. Inga wa mutanda kuzwa ku cikambaukilo cako. To yandi oyo, nkaambo ta konzyi kutondezya kkadi lyakwe. Ta konzyi kutondezya cikolo nkwa kazwida. Sena tuyeeya kuti Musa nakakonzya ku citondezya?

Sa muyeeya kuti umwi wa basinsimi nakakonzya ku citondezya?
Sa Jesu nakakonzya ku citondezya?

¹³² Ba kati, “Ino ncikolo nzi? Nkokuli Nkwa kajana lwiyo lwakwe? Nkokuli eci nko cakazwida?” Ta tujisi bulunguluzi Bwakwe kusola kuya ku cikolo mu buzuba bwa buumi Bwakwe.

¹³³ Ino kujatikizya Johane, obo busyu bwakale bulamfu mbuli namola, bwakazwide boyo, kazwa mu nkanda mbuli obo? Bawisi bakali bakambausi, alimwi wa kazwa ku cikolo; wa kali mupaizi. Ta tujisi nobuba bulunguluzi bumwi bwakwe kusola kuya ku cikolo. Wa kanjila mu nkanda kali myaka yakukomena ili fuka. Nkaambonzi? Wa kajisi mulimo mupati wa kucita. Nkaambonzi ta katobela mukondo wa bawisi, mbuli cilengwa mbo cakabede kuli nguwe kucita? Baa, eyo seminari kunselelo okuya niya—niya kamu njizya mu milao imwi yakulilemeka minji njoba kajisi, “Lino, ulizi kuti uyoambilizya Mesiya. Lino, ulizi Mukwesu Jones ula kkwanya eco.”

¹³⁴ Wa kaunka mu nkanda nkabela wa kalindila Leza kusikila Mwami waka mwaambila, “Atala ali Nguwe mpoya kubona Muuya kauseluka a kukkalilila, Ngo Nguwe uya kubbizya a Muuya Uusalala a Mulilo.” Mulimo wakwe wakali mupati loko ku mukasya kujana lwiyo. Nincobeni mbo wakabede. Wa kacita kuba a nguzu zya Leza.

¹³⁵ Lino, ikuti na ujisi lwiyo lwako kusanganya a nguzu zya Leza, kabotuu, pele uta bikke olo lwiyo atala lya nguzu zya Leza. Wabona? Nincobeni.

¹³⁶ Lino, tu jana kuti Musa, lino cindi na kali okuya, wa... Myaka ili makumi one nja kaiya mwini, mukuziba kwinda kuli banyina kuti wa kali kuyooba muvuni wa bana ba Israyeli. Wa kayeeya masimpe, cindi na kajaya oyo muna Egepita, kuti babunyina inga bacimvwisya, pele tiiba kacita. Aboobo, kwiinda mu mancenjela akwe oonse, wa kakilwa a kukakilwa cabubyabi. Pele mu maminiti osanwe, mu Busyu bwa citeo ciyaka okuya, Leza wakabikka kunji muli ngwe kwiinda i—kwiinda seminari ncoya kacita kumusanza okuya mu myaka ili makumi one.

¹³⁷ Lino, Ndila zumina cintu comwe, cindi waiya Leza, zya Leza, mu bubombe. Ino kujatikizya citeo? Ino kuti Musa nakati, “Lino, lindila aniini. Lwiyo lwangu lulatala maningi. Aboobo Ndi yeeya kuti Njo unka okuya a kusola kubunganya amwi matu kuzwa ku citeo, kwaatola kunselelo ku labbolatori, a kwaalangalanga, a kubona kkemiko nja kafwafwazwa awo, kubona na i...walo mulilo nkabela ta cipyi”? Mwabona, na taka jana maseseke. Pele wa keenda kumbele lya Bulenge Buzyali, kasamununa mabbusu akwe, wakafugama a kutilika kwaambaula kuli Mbubo. Elyo Bwa kamuvviila. Eyo nje nzila.

¹³⁸ Ta soli ku liyiisya mu cintucimwi. Pele kuyaansi buyo kumbele lya Jehova Leza, kanana kuli Nguwe. Uyo kuvviila

alubo. Eyo nje nzila mbo kubombede. "Amulombe, elyo muyo tambula. Amukonkomone, kuyo julwa. Amuyandaule, elyo muyo jana. Amulombe, elyo ciyo pegwa." obo mbubombe buyo.

¹³⁹ Lino, Ndi lizi cintu comwe, ncakuti kufumbwa wayanda kujana Leza ncobeni, ciku bamba kulilemeka bweenzu. Mulabona Musa, buzuba buccilila, kumane. Wa kacija kuzwa . . .

¹⁴⁰ Wa ka tijide kale kuzwa mu Egepita, a kuba okuya, a kukwata Zippora, alimwi wa kajisi mwana wakwe muniini mulombe, Geshomu. Elyo ngooyu mbwakabede, wakalubide kale makani a bwaange bwa bantu. Pele cindi Leza nakabonekela kuli nguwe okuya mu citeo ciyaka; buzuba buccilila, wa katansika Zippora a kambongolo, a mucece aa kasolo kakwe. Alimwi malezu atuba kalengelela ku cibuno cakwe; mutwe wakwe walubala kaumweka. A kasamu mu janza lyakwe, kaselemuka kwinda omuya, "Bulemu kuli Leza," meso akwe kalangide koonse.

"Uya kuli, Musa?"

¹⁴¹ "Tuya kunselelo ku Egepita, kuyo endelezya," kusaala kwa muntu omwe.

¹⁴² Oh, kuyo kubamba kulilemeka bwenzu, pele kuli kabotu. Kufumbwa kuti kozyi nzila nkoya, kuli kabootu.

"Mbobuti mboziyi kuti uya kutola bweendelezi?"

"Leza wakaamba obo." Eco cila cibamba. Oyo wakaamba obo. "Leza wakaamba obo."

¹⁴³ "Oh, uli myaka ili makumi alilusele alusele yakukomena! Ikuti noka cita ceeco, nokainka cindi nokali makumi one."

¹⁴⁴ "Pele Leza wakati, 'Koya lino. Eci nce ciindi.'" Kusaala kwa muntu omwe, kuselemukila kuyo cicita.

¹⁴⁵ Leza ulakubamba kulilemeka bweenzu, nokubakuti uboneka mbuli wetha vani iimvwi atala lya buyake. Pele kufumbwa kuti kali Leza ucicita, baa, ncibotu. Ino cibamba lwandaano nzi? Inga kwagusya kwiiya kumwi kwa bukombi bwa Baptisti kuzwa kuli nduwe. Pele kufumbwa kuti Leza kacicita, Ula liyubununa Mwini mu buubauba. Oyo mukambausi wakalizi kunji kujatikizya Leza, kuseluka kuzwa atala lya ng'anda eyo, kwinda kwiiya myaka yoonse nja kainka ku cikolo. Ameni. Leza kalyubununa Mwini mu buubauba, a kulitondezya Mwini mu nguzu. Ameni. Kalisisa Mwini, mpawo kulitondezya Mwini. Uyanda kubona obo mboya bubomba; kutali mbo konzya kuba musongo, pele mbo konzya kuba mubombe.

¹⁴⁶ Leza ula liyubununa Mwini mu buubauba, kutali mu busongo a bucenjezu. Obo mbwa dyabulosi. Amutobele kwiiya. Nkokuli bana ba Kaini, ncinzi cakacitika kuli bakwe? Bana ba dyabulosi, ncinzi cakacitika kuli mbabo? Boonse bakaba basikuyiisya busongo, banasayaansi, abumwi bumbi. Amutobele bana ba Seti: balimi baansi, babombe, bavubi ba mbelele,

abumwi bumbi. Ku mamanino aa inyika, ncinzi cakacitika? Ku mamanino a inyika ya zambangulwe, ncinzi cakacitika? Boonse baka nyonyooka. Ba kali bakombi abalo. Nincobeni, mbo bakabede. Pele, nywebo mwabona, Leza wakatuma Nowa, kajata babombe, baansi, akubatola kujulu. Elyo bana ba Kaini baka nyonyoonwa.

¹⁴⁷ Cintu nciconya mbocibede asunu, abo basongo, bacenjezu. Mwabona? Eyo nje nzila Saatani nja kacenga Eva mu muunda wa Edeni. Obo bana bakwe mbo bakacita, lweendo lonse kuyaansi.

¹⁴⁸ Amulange Moabu, ako kabunga, kabotu kapati kakaimvvi alya atala lya cilundu. Ma, ino mbusena bulemu! Lino, taakwe... Ba kali kukomba Leza nguonya. Nkaambo, ba kaunka a kubweza bbishopo wabo, Balamu. Wa kalibonya okuya a kuyaka zipaililo zili ciloba, zituuzyo zili ciloba. I cipaililo nciconya, cituuzyo cikozyenye, zintuzyonse mbubonya mbuli Israyeli mbwa kacita, sikutuntulika muniini kumusanza okuya. Elyo mpawo wakasola kusinganya munyina, mwabona, kumu kasya kwiinda mu cisi. Tee bakali kuyanda lumwilwabo okuya lubukulusyo lwa babumbulusi basalala akati ka bantu. Ncinzi cakacitika? Leza wakainda ncobeni moonya, nekuba, nkaambo ba kasyomezegwa kuya ku nyika ya cisyomezyo, alimwi taakwe cakalino balesya. Leza wakabeleka a mbabo. Leza kalisia Mwini mu buubauba, eyo nje nzila Nja cita lyoonse, alimwi bala iimpya.

¹⁴⁹ Musa wakalaili mulanda ulipede iwa Kristo. Elyo Leza... Ku citeo ciyaka, wa kaziba kunji kujatikizya... Musa wakaziba kunji kujatikizya Leza cindi na kasiya citeo ciyaka kwiinda myaka yonse ili makumi one nja kaiya Nguwe kumusanza mu Egepita. Tu lizi kuti mbo mbubo.

¹⁵⁰ Mu mazuba aa Ahabu, inyika yakasikide kubusena buli obo, tunzenyu twa kabelekede cibeela cili obo, mbuli mbo twa ambaula cifumo cino, kusikila Ahabu wakasika aa cilao. Lino, Ahabu takali muntu mubi. Wa kali kukasaala buyo, muna Israyeli wakawa wakalekela mukaintu wakwe kumusololela koonse. Waa kali nsingo yakali kunyona mutwe.

¹⁵¹ Alimwi eco nce cintu nciconya ncotu jisi ndyoonya omuno mu United States lino. Masimpe. Ta ndaambi, muleli wesu, *niini-a-niini*. Inga kali muntu uli kabotu. Pele nceeco ciyanza cili kunze lya ncico, eco nce cicita eco.

¹⁵² Amu cilangisye. Amu cimake eco. Muyeyya kuti Ndi imvvi buyo awa kwaamba cintucimwi Nce tazi eco Neeli mu kwaambaula. Mula yeeya eco Nce kamwaambil. Iiyi, munene. Ndiya buba mudaala. Nse jisi mazuba ambi manji asyeede aa nyika. Ikuti na Jesu watola kaindi kuboola, Ndino unkide cakufwambaana loko. Pele eci ciyo teping'wa, nkabela muyo cilizya kuloolola, nkabela muyo jana kuti cakali luleme.

Mu ponena mu zimvule. Takukwe bulangizi busyeede, pee. Lino, amuyeeeye, mebo kuciziba, mudaala mbuli Mbwe bede, a kwiimikila awa a kuziba kuti eco ciindi ciya buya. Elyo wa—wa kacita. I cisi camana. Zintuzyonse zyamana. Mbo mbubo. Elyo cintu comwe biyo, "Amulivune kuzwa ku nzyalani eyi iyabuya," nkaambo kamanide. Mbo mbubo.

¹⁵³ Ahabu. Obo buzuba Jezebeli naka njila, kabweza boonse banakazi kulilemeka nzila mbwa kali kucita, alimwi—alimwi Nda yeeyela kuti zintu nzya kaindamo, elyo Ahabu wakalekela zintu. Alimwi boonse bakambausi bakaba basinyika.

¹⁵⁴ Pele mu ciindi eco nciconya, Leza wakabusya muntu singuzu. Ta tuzi a nkwa kazwida. Ta tuzi na bawisi a banyina bakali bani. Wa kazwa kuta zizilwe, pele wa kaunka ku Bulemu. Ta tuzi na bawisi a banyina bakali bani, taakwe mazuba akwe akuya ku cikolo. Wa kali sinkanda. Ta tuzi mbwa kasika. Wa kasika buyo aa cilao munzila igambya, wakazwa aa cilao munzila igambya. Alimwi wa kasika okuya, elyo Wa kazungaanya nzyalani eyo, mu muntu mubombe.

¹⁵⁵ Ino muyeeya kuti basilwiyo lwabukombi baka muyeeylela buti mu buzuba obo? Baa, muyeeya kuti baka muzumina Eliya na? Ba kati, "Walo ngwa kubweka mukali." Jezebeli wakati, "Nda musulaika." Elyo—elyo boonse baka musulaika. Pele wa ajisi Ijwi lya Mwami ku lufutuko lwa cisi. Pele teeba kalusyoma.

¹⁵⁶ I musyobo wa muntu mubombe, Eliya mbwakabede. Elyo wa kabelekela bukanze bwa Leza kabetu loko, oyo muuya mubombe wakal muli Eliya, kusikila Leza waka belesya mu baalumi bambi botatwe, kale, a kusyomezya kuubelesya ku mazuba akumamanino. Yaa, mubombe kapati, oyo wiima buyo a kwaamba Bwini. Wa kaubelesya muli Elisha, kuzwe nguwe. Wa kaubelesya muli Johane Mubapatizi. Waka syomezya alubo, muli Malaki 4, "Ku kuboozezya lusyomo lwa bana kujokela ku Lusyomo lwa matata aa pentekoste a Makanimabotu mataanza." Wa—Wa kausyomezya, nkabela Uyo cicita. Mbo mbubo. Oyo muuya mubombe, kutali musongo, kutali mupampu.

¹⁵⁷ Eliya takali sicikolo mupati. Ta kali muntu wakazizilwe kabetu mu inyika. Walo, ta tuzi oko nkwa kazwida. Pele wa kajisi buyo kuyeeya kweelede kukusyoma Leza. Mubombe, oyo walo, oyo musyobo wa bantu Leza mbabelesya, ula lisisa Mwini. Leza wakalisisa Mwini muli Eliya.

¹⁵⁸ Sa inga mwayeeyela muntu mbuli Musa, muntu walyonse kacita zintu nzya kacita?

¹⁵⁹ Sa inga mwayeeyela eco, Eliya, mulombwana mndaala uboneka kuzula boyo a masusu oonse a mibili wakwe, a kabeela ka cikutu cambelele kasamide nguwe kacilengelela? Sa inga mwayeeyela Leza kabweza cintu mbuli eco, kakuli kwa kaliimvwi bapaizi a—bakutausi abo bakasamide zikobela, aba kalulamikidwe kabetu mu lwiiyo lwabo lwabukombi, kabetu

buyo mbuli mbo bakakonzya kuba? Pele Leza wakaindilila umwi aumwi wabo.

¹⁶⁰ Ula cita lyoonse. Mundaambile ciindi comwe Na kasola kucicita. Nee. Peepe, munene. Wa kaindilila cintu coonse, kuselemukila ku ciwa cimwi cibombe. Ula liyubununa Mwini a kubeleka mu buubauba, bubombe nconzyo kutegwa bantu boonse baka Ci mwvisye. Eco nceci Mu bamba kuba mupati. Ula ba mubombe, ku Ci tola ansi.

¹⁶¹ Elyo, lino, Wa kaindilila. Nekubakuti inyika yaka zwide basicikolo batapi mu buzuba obo, pele kutali umwi wabo Ngwa kabelesya. Wa kajana musyobo mubombe wa mulombwana. Pele amuyeeye, oyu musyobo wakali mu bukkalo obo. Pele, nywebo mwabona, muuya oyo wakanjila wakali mubombe loko ku lwiiyi lwabo. Ba kali Ci mwuentausizye kale, cindi cakali kukonzya kusika. Ba kali londokede kapati kusikila ba kaimpya buubauba bwa Ncico, alimwi ziindizimwi kwinda atala lya Ncico, ku Ci fubaazya.

¹⁶² Cila ndiyeezya kaambyo kakaindi, “Bafubafuba bayo enda a mabbusu ajisi tusindi twa mpikili awo Baangelo mpo bayoowa kulyata.”

¹⁶³ Ii muntu uyo ibona milimo ya Leza kayabuya, a kuziba kuti eyo milimo ya Leza, a kwiima a ku iita kut milimo ya dyabulosi, Jesu wakaamba kuti oko nkusanka. “Ikuti na mwaamba bbala kusampaula Ndime, nde Mwana wa muntu, kuyo jatilwa kuli ndinywe. Pele kufumbwa waamba kusampaula Muuya Uusalala taka jatilwi mu inyika eyi, naanka mu inyika eyo iciza.” Mwabona? Pele tu leenda a mabbusu ajisi mpikili ku tusindi awo Baangelo mpo bayoowa kulyata.

¹⁶⁴ Swebo, tuli basongo maningi. Twa kalondolwa kapati. Eco, eco nce ciba kuli America yesu. Tuli basongo maningi. Tula liyiisa tobени kutantamuka Leza. Zikolo zyesu zituma bakambausi besu mbuli nkuku yakakumbwa kuzwa ku muncini.

¹⁶⁵ Lyoonse ndaka fwida nsoni ku nkuku yakakumbwa kuzwa ku muncini. Ya kakonkolwa kunsi lya mumuni wakapangwa aamuntu. Elyo cintu citaanzi mulizi, inga ya “lilila, lilila,” banyina, nkaambo obo mbupange bwayo. Pele tai jisi banyina. Ya kakonkolwa buyo ku muncini uukumba.

¹⁶⁶ Eco Nce yeeya coonse ca madigri aya ncapanga, nkuku yakakumbwa ku muncini, kai lilalila akuta ziba nco kanana. Mbo mbubo. Kakuli, uli jisi ciwa cabukombi, akukaka eelyo Ijwi, a kukaka kuti Muuya Uusalala tauli mbubonya sunu mbuli Mbo wakabede buzuba Mbo wakatilwa aa Pentekoste.

“Ba kati Oyo wakali buyo wa basikwiiya.”

¹⁶⁷ Jesu wakati, “Kamuya mu inyika yoonse akuyo kambauka Makanimabotu ku bantu boonse. Ezi zitondezyo ziyo batobelabo abo basyoma.” Ciindi cilamfu buti? “Ku mamanino aa inyika,

a ku bantu boonse, ezi zitondezyo ziyo batobela.” Ncamasimpe. Kwaambila...Njo mutondezya awo Mpa kapa nguzu ku Mbungano. Amundi tondezye awo Mpa kazinyanya. Ta buko. Peepe.

¹⁶⁸ Pele, nywebo mwabona, tula songwaala kapati, tula liyisya tobeni kuzwa kuli ceeco. Tu jana bwaambe bwabupange a zintu nzo tubeleka. “Ee, cila buzyabuzya, eco ncintu buyo nciconya. Ee, lino langa, tuli jisi basilisi babotu,” tu lati, “sunu. Nkaambonzi nco tuyandikana kuponesegwa kwa Buleza?”

¹⁶⁹ Amulange eco oyo dokotela mubotu nca kaamba kaindi kakainda. Walo uboola kumamanino a ncito yakwe, mpawo ula syoma muli Leza. Mpaawo we. Nce ncico. Sayaansi ili kabotu, kufumbwa kuti kotanta cisamu. Elyo cindi wasika atala, tokonzyi kwiindilila, kutanta aa cisamu ca lusyomo a kuzumanana buyo kweenda, mwabona, nkaambo ta—ta cikwe magolelo kuli ncico. “Zyoonse zintu zilakonzeka kuli baabo basyoma.” Inzya. Inzya.

¹⁷⁰ Sayaansi ili kabotu, kuciimo mbo yeenda. Magano ako osanwe ali kabotu a kululama, kufumbwa kuti kaazuminana a Ijwi. Pele cindi magano osanwe asampaula Ijwi, mpawo kozwa kuli ngawo. Peepe. Inga nsesyama mu kulimvwa kwangu, inga nsesyoma kumvwa kwangu, inga nsesyoma kubona kwangu, kwiina cintu cimbi, ikuti na ciliimpene ku Ijwi. Njo amba Nda...

¹⁷¹ Ii mulombwana waka ndaambila, ciindi cimwi cainda, kati, “Nse kwe makani na mbangaye bantu ba Pentekoste bakonzya kutondezya kuti bakaponesegwa. Nse cisyomi pe.”

¹⁷² Nda kati, “Nee ncobeni. Nduwe sikutasyoma. Tii kwaali kwa batasyomi. Nkwa basyomi.” Mburonya. Masimpe. Tii kwaali... Tii kwatuminwa batasyomi. Kwa tuminwa abo basyoma.

¹⁷³ Jesu wakasika, moonya m buzuba bwa kutasyoma. Teekwa Mu lesya. Wa kazumanana buyo ncobeni kukambauka, mburonya buyo. Leza wakabeleka maleele, mburonya buyo, muli eyo inyika ya kayiide kapati.

¹⁷⁴ Tu ponena mu inyika sunu yakaiya kapati, kupasaula maatomu, a kupanga mabbomba, azimwi zimbi, a kuuluka kuya ku mweezi, a ba astronati, a zintuzyonse zimbi kuzunguluka nyika. Obo mbwini. Tuli mukucita ezyo. Kuli kabotu.

¹⁷⁵ Pele, nekuba, kuli bantu basyoma kuti olo lubbizo lwa Muuya Uusalala luli mburonya buyo mbuli Mbo Iwakabede lyoonse. Taba konzyi ku Lu pandulula, pele ba lizi kuti bali Lu jisi. Eci nce cintu buyo mbo cibede. Ta mweelede kucipandulula, kufumbwa kuti ka Muu jisi. Ameni.

¹⁷⁶ *Ameni* caamba kuti “akube booboo.” Nse licitili ameni ndemwini. Pele Ndi—Ndi buyo... Ndila libotelwa Ijwi. Aboobo a Libe obo! Ndi—Ndi lizi kuti ndya bwini.

¹⁷⁷ Leza kalibombya kapati Mwini cakuti Ula unka alaale atala lya i...I basongo mbapampu loko, obo boongo buniini butakweankobuya, nywebo mulizi. Ba kacivwentauzya coonse. To konzyi kubaambila cimwi kujatikizya ncico. I inyika taikonzzi kubuka, zuba tali konzyi kubala, inyika taikonzzi kuzunguluka, kakutakwe luzibo lwabo Iwa njiyo, nywebo mwabona. Pele Leza weenda buyo eni atala lyabo a kubaleka buyo kukkan awo. Eyo nje nzila ncobeni Nja cita lyoonse. Iiyi, munene.

¹⁷⁸ Lweendo loonse kuzwida mu muunda wa Edeni, Mesiya waka sinsimwa kuti uyo boola. "Lunyungu lwako luyo cuzaula mutwe wa nzoka, a mutwe wakwe uyo cuzaula kasindi kakwe." Oh, ma! Ca kaamba. I basinsimi baka Mu bona kumbele, nkabela ba kaamba mbubonya buyo Mbwa kali kuyooba, oko Nkwa kali kuyo zyalilwa, nzila Mbwa kali kuyo zyalwa, musyobo wa ncito Ngwa kali kuyo cita, eco citondezyo Cakwe Cabumesiya mbo cakali kuyooba. I Lugwalo lwaka ceelenya lweendo loonse do.

¹⁷⁹ Pele basilwiyo lwabukombi baka ciwwentauzya coonse, munzila yabo, nkabela baka Mwi impya kwa mamaile ali mwaanda. Pele Ta kaboola kwiimpana ku Ijwi. Wa kaboola kweendelana ku Ijwi. Pele nkaamponzi tiibaka Mu tambula? Nkaambo Ta kaboola munzila njo bakali kuyeeya kuti We elede kusikila. Eyo nje nzila ini njoba kaimpya Nowa. Eyo nje nzila mboba kaimpya Musa. Eyo nje nzila njo ba ciimpya, muciindi coonse mu bukkalo.

¹⁸⁰ Bala kakilwa kubona buubauba bwa Leza kacita cintucimwi. Mwabona? Leza ula lisisa Mwini omuya. Elyo We nda buyo atala lya i-lya basongo a basimaanu, nkaambo Walo mupati maningi. Mwabona? Amubweze zintu zyobilokaziboola antomwe, mbuli *obu*, alimwi cindi zya indana, sa mwabona Nce pandulula? Eyo nje nzila Leza njakonzya kucita. Ula konzya kuba mubombe kapati mane Wa konzya kuunka kusakana kuzwa ku muntuumwi mane taba konzyi akwalo kujana owo Mpa bede. Amen. Nda botelwa eco. Ndili kkomene kuti Wa kacibamba munzila eyo, mpawo Nda konzya—Nda konzya kucizumina. Nkaambo, kuli zyalwiyo lumwi lwaataa, inga Nse ziba cakucita a ndulo. Pele Wa kacibamba bubombe kapati, bantu mbuli ndime inga wakonzya ku cimvwisya, na ku cisymoma. Aboobo, Ndili lumbide kapati kuli ceeco.

¹⁸¹ Lino, Mesiya wa kaambwa, nzila Mbwa kali kuyo boola, Nkwa kali kuyo zyalilwa, eco Nca kali kuyo cita, obo mulimo Wakwe mbo wakali kuyooba, a cindi Na kali kuyo boola. Pele, ku cindi Na kasika, abo bakutausi a bapaizi ba buzuba obo baka jisi tunsiyansiya tunji kapati, nkabela ba kayeeya ncobeni Mbwa kali kuyo boola. Elyo Bafarisi balati, "Ikuti na Wa sola kusika, Uyo oba Mufarisi." I Basaduki balati, "Bufuba; kutali a nkamu eyo yakulisyoma mu bululami. Uyo oba Musaduki." Pele cindi Na kasika, Ta kali umwi. Ta kabuzya zyabo... Leza

ta keelede kubuzya zyabo...cibeela cabo cabusongo, nzila ya kutuma Mwana Wakwe.

¹⁸² Wa kiituma munzila Nja kaamba kuti Uyo icita. Wa kasika kweendelana... Alimwi Wa kaleta... Elyo cindi waambaula zya Mesiya wabo ku kwaambilizigwa mu cilido, atala lya cilwi cabufumba, mu cimpati cang'ombe; sa nkamu yakalondokede ya Bafarisi, balisyoma mu bululami, basikuupaupa balimvwa kuba aatala maningi kulangila cintu cili obo mbuli Mesiya wabo kuboola mu cilido? Ee, ino ncinzi? Wa kali Jehova, Jehova muniini kalila mbuli muvwanda. Sa inga balangila oyo Jehova uyoosya, oyo wakazuma kuzwa ku Cilundu ca Sinai, oyo wakasukya mulilo aa mulundu, oyo wakajula Lwizi Lusalala, kuba Muvwanda mu cimpati? Oh, kuti, Iwiiyo lwabo lwabukombi nilwa takazumina ceeco. Peepe, nconzyo, kutali Mesiya wabo.

¹⁸³ Ba kati, "Cindi Leza akutuma Mesiya, taakwe kuzumbauzya, Uyo selukila mu tukondo twaku Julu. Uyo oba a Baangelo bali mamilioni ali kkumi kaba salyuuta kuseluka. Uyo boola nkoonya ku tempele elyo Musa ndya katu siila, na Solomoni ndya katuyakila awa. Alimwi Uyo boola cigaminina ku tempele lyakwe, nkabela Uyo tu tambula nkoonya okuno. Elyo mupaizi wesu mupati ngo twa kasala, muntu wesu mupati, na mwiiiminizi wa cisi, na kufumbwa mbwabede, Uyo boola kuli nguwe a kuti, 'Nda boola. Mpaawa Mpendi. Oyu Ndime. Ndime Mesiya. Sena Mwa Ndi ziba? Mwabona, kakondo nkayo selelukila. Ndi zwaku Julu.'" Eyo nje nzila njoba kacimvwisya.

¹⁸⁴ Pele cindi Na kasika, Wa kali mu ciyobwedo, kazyalwa ku mutumbu oyo... alimwi wisi wa kali ii—ii ntalisyo iitaluleme kuli nkuko, kwa kaboneka kuba, mbuli mbo bakayeeya. Kavungaidwe mu zisila Zyakwe zya kuvungaizya, bala ndaambila, zyakali kuzwa ku jokwe lya basune, oyo mucete. I Leza wakalenga majulu a nyika, a kulenga zintuzyonse kwiinda kuli Kristo Jesu; alimwi mpaawa kwakali Mulengi nguonya, Leza, Oyo wakapanga ngaonya majulu a nyika, kalede mu cimpati, mu cikama ca makwelele ayo Nga kalenga, Mwini. I Mulengi wa majulu a nyika wa kalibombya Mwini, kukuba waansi maningi. I Waatala maningi kuba waansi maningi, eco nceca Mu bamba kuba Leza. Eco nceca Mu bamba obo Mbwa kabede. Mwabona, Wa kalibombya Mwini. Muntu takonzyi kucita ceeco.

¹⁸⁵ Wa bikka muntu atala, ku mupa buyo ii—ii kukwela kuniini mu kabunga, mukwesu, tokonzyi ku mwiindilila. Nkukoonse kuliko kuli ncico. Walo mulombe buyo! Ula litukumuna mbuli cula uulya nkolokoti. To konzyi—to konzyi kucita cimwi a nguwe. Pele, pele, nywebo mwabona.

¹⁸⁶ Pele, Leza inga walibombya Mwini nkaambo Walo mupati maningi. Uli jisi kwiindilila eco neco twiita kuti cipati. Uli ku

lubazu lumbi. Alimwi Walo mupati maningi cakuti Ula konzya kulibombya Lwakwe. "Nda Ku lumba, Taata, wa majulu a nyika kuti Wa kasisa zintu ezi kuzwa ku basongo a basimaanu." Mbuli Mbwe amba, tula pasaula atomu a kukonzya kupandulula buumi mu tuvu lya bwizu. Mwabona? Kweenda atala alyo, cintu ncoonya citondezya Leza. Tu leenda atala lya ndilyo.

¹⁸⁷ Eco ncintu nciconya nco tucita sunu. Iiyi, munene. Tu leenda atala lya *Ceecei*, uli ngu Leza mu ciimo camalembe, mbo mbubo, a kuzumina buzumini bumwi bwa muntu na kayanza kabuzumi mucibaka ca Ndilyo. Kusambala bupati bwamu ku musinza wa bunyangu, nkambo ka mpuwo, nkambo ka mbungano iyo kulekela kugela masusu akusama zigonkolole, a kukutumina ku maparti azyakunywa zitakoli loko a zintu mbuli ezyo, elyo mpawo kuliita lwako kuti Munakristo. Mause kuli nduwe. Nconzyo.

¹⁸⁸ Kutali ku ubwekela; pele-pele kwiinda mu bulemu a luyandisyo lwabuleza. Mbo mbubo. Kozwa ku cintu cili obo. Jokela kuli Leza a Bbaibbele Lyakwe. Jokela ku Bwini bwa Makanimabotu. Inzya. Kulekela kabunga kamwi kukuvungaila kuzwa ku zintu zya Leza na? Uta soli kucita ceeco. Kojokela ku nzila ya Leza yaansi. Kowida buyo ku mazwi ako akuti, "Mwami Leza, Ta ndikwe makani acintu, nzila mbo Cipa kuli ndime, pele Ndili waano kuli Ncico." Langilila eco cicitika. Koba uusinizizye kujatikizya ncico.

¹⁸⁹ Kuyandisya kapati ku Cipa kuli nduwe kwiinda mboya ku Ci tambula. To elede kulindila, a kulindila, a kulindila. Takukwe cintu mbuli eco. "Kuciindi Petro nakacili kwaamba aya Majwi, Muuya Uusalala waka bawida abo baka Li mvwa." Nconzyo. I penzi lya ncico, tatu Li yandi kapati. Ta tuciti. Ta tuyandi kulibombya lwesu. Mbo mbubo.

¹⁹⁰ Nda kali kukambauka okuno ciindi calino cainda, nkabela kwakali mulindu waka kkomana nconzyo, elyo waa katalika koongolola. Kwakali mulombe oyo uusobana bbesibbo mu dolopo. Wa kati, "Billy, Nda kaliimvwi anze. Nse kakonzya kunjila." Wa kati, "Nda kali kubotelwa mulumbe wako kusikila oyo—oyo mwanakazi wakatalika kulila a kuyabuya mbuli obo." Wa kati, "Boonse balo bantu mpawo bakatalika kukwiila a kulilemeka bumwi." Wa kati, "Oko kwakaleta mpeyo ya kubimba kusule lyangu."

"Oh," Nda kati, "toka cisyoma eco na?"

Wa kati, "Peepe."

¹⁹¹ Nda kati, "Ikti na toka cicita, kuyo leta mpeyo yakubimba kusule lyangu." Mwabona? Nda kati, "Inga nseziba Mpe kali kwaambawida, eco Nce kali kwaambaula." Wabona?

¹⁹² Elyo aboobo wa kati... Wa kali bbesibbo uusunda. Elyo Nda cinca... Wa kati, "Ee, nguni mu nyika wakasola kumvwa cintu cili boobo?" Kali kuzulilwa ku mbungano imwi yakabunga

eyo Nkwe kazwa. Elyo wakati, “Ee, lino, Mulumbe wako wakali kabotu, eco nco kali kwaambaula. Pele nguni ukonzya kukumvwa?”

¹⁹³ Nda kati, “Tee kwakali kujatikizya ‘kumvwa’ mpawo. I Muuya Uusalala wakaliko. Wa katola bweendelezi.” Wabona? Nda kati, “Ciindi cangu cakuumuna cindi Naa boola, wabona, alimwi Wa kaba akati ka bantu.”

¹⁹⁴ Wa kati, “Ha,-ha-ha, Billy,” wakati, “uli sikwiindila ncobeni. Kwa mana.”

¹⁹⁵ Nda kati, “Ee, ndiza Mbwe bede.” Nda kati, “Ikuti na Ndili obo, Ndili umwi wa basikwiindilizya ukkomene maningi ngo kasola kubona.” Wabona? Elyo Nda kati “Ndi . . .”

Wa kati, “Ee, Ndi yanda ku kwaambila.” Nda katalika kwaambaula kuli nguwe.

¹⁹⁶ Nda kati, “Yawe!” Elyo bbuwa lyá bbesibbo tabuli kule kuzwa ku ng’anda. Nda kati, “Ncinzi mu inyika cakali kucitika okuya, busiku bumwi?”

¹⁹⁷ Wa kati, “We elede kuti wa kacibona!” Kati, “Sa uli muzi Charles Nolan? Nda amba! Bantu botatwe aa mbaakani!” Elyo wakabotelwa buyo koonse.

¹⁹⁸ Nda kati, “Ee, muli cikama ca babumbulusi batasalali, Nce tana sola kumvwa mu buumi bwangu.” Nda kati, “Ikuti Ne kaliko, inga Ne takaamba kunji loko kujatikizya nkuko. Ne kaimikila buyo a kulanga.”

Wa kati, “Yebo, lino, tobikkili maningi maanu ku bbesibbo.”

¹⁹⁹ Nda kati, “Nee nconzyo.” Nda kati, “Ta ndikwe makani a bbesibbo, nkikaako Ndi bikkili maanu muli njiyo.” Nda kati, “Ikuti Neli kubikkila maanu muli njiyo, ni Nda ali kulilemeka nzila njionya njo cita. Alimwi ikuti na ula bikila maanu muli Leza wangu, a Kuboola kwa Mwami Jesu, a nguzu zya Leza, inga unolilemeka nzila njionya cindi Muuya Uusalala wauma mu buyake.”

²⁰⁰ Ciyaamina buyo ku musyobo wa muuya uli muli nduwe, eco ncolya. Buumi bwako bulya aa cintucimwi. Elyo Nda kati, “Utabi kkubi lilya mitunta yakafwa ya cintu cakale ciboledie ica inyika. Kolya zintu Zyakujulu, Ijwi lyá Leza. Jesu wakati, ‘Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.’” Kolya Ijwi Lyakwe. [Kabeela katakwecintu aa teepu—Mul.]

²⁰¹ Nkikaako cindi Jesu nakasika, baka cimvwisya loko kusikila baka Mu bamba kuba mupati maningi. Tiiba kakonzya kubona obo Muntu mupati mbuli oyu kusola kukonzya kuzyalilwa mu cimpati. Tiiba kakonzya kubona obo Muntu mupati mbuli oyu kusola kukonzya kuba mubombe kapati.

²⁰² Eci ncintu nciconya asunu. I bantu bayeeya bukombi obo, bukombi bwa Bunakristo, nkweeela kuba a mbungano mpati loko, buyake bupati loko, organi mpati loko ya mapaiyi yuulya madollar ali milioni, a zyuuno zibotu zyabupaale zidula maningi.

²⁰³ Sa mwakasola kuba mu Ireland? Sena mwakasola kubona Musalali Patrick, oyo ba Katolika ngoba kaita kuti muna Katolika? Wa kali buyo mbuli Ndime. Aboobo sa mwakasola kuunka kutala okuya? Ta kakonzya nokuba kuba a kapingano kalengelela mu busena bwakwe. Wa kazya mbungano ya Roma canguzu mbuli mbwa kakonzya. Ta kalekela nobaba bantu kukkanza azyuuno. Wa kalekela kunyunyumana aa kabeela ka—ka boordi lyakale, kutali boardi, pele mwaala mu i—mu buyake. Buyake bwakwe bucimvwi okuya. Wa kaba yiisia lubbizyo lwa Muuya Uusalala. Musalali Francis, a musalali . . .

²⁰⁴ Alimwi abo basilubambululo bapati bataanzi a bantu kaindi mu mazuba ayo, nzila mboba kayiisia lubbizyo lwa Muuya Uusalala! Obo Musalali Martin, Irenaeus, abo baalumi balemu, baka yiisia lubbizyo lwa Muuya Uusalala! Tiiba kalekela bantu babo kuba balikwaya mu buteteete, a kukkanza kuzunguluka kulikwaya kudula kwabupaale, a zintu mbuli mbo tucita sunu. Elyo nekubaboobo twiita eco kuti mbungano izwidilide. Muntu ulaita kuzwidilila, ciindicimwi, bukombi.

²⁰⁵ Kwa kaambwa mu California, kuti, “Ii muntu tali simuuya kusikila wa konzya kuba a ma Cadillac otatwe.” Ku kuyeyea kwangu, nce ciindi na tantamuka kuzwa kuli Leza. Mbo mbubo. I mbungano ya Pentekoste sunu ncobeni ililemeka mbwandeene ku Mbungano ntaanzi ya pentekoste mboya kacita.

²⁰⁶ Nda kali kukambauka ku Bantu Basimakwebo Banakristo ciindi cimwi, kumusanza okuya. Nse zyi mbo bakasola kundi bikka kusule. Nda yeeyela, nkaambo bala ndiyanda. Pele Ta—Ta—Ta ndizi . . .

²⁰⁷ Ndi baambila buyo eco Nce—Nce zyi Mwami ncaamba. Ta ndicaambi kuba musongo. Ikuti na Nda cita, Ndi yandikana kuselemukila okuya ku capaililo. Nda caamba nkaambo Nda bayanda. Nda balemeka.

²⁰⁸ Busiku bumwi kumusanza okuya, nkulungulula kumbele lya basimakwebo na inyika, kuvula kwa ma Cadillac ngo bajisi, a mpindu zyabo ziniini. Nda kat, “Balo baalumi taba yandi ezyo. Baambile kujatikizya bubombe bwa Kristo.” Nda kat, “Nywebo muliindene maningi kuzwa ku Mbungano ntaanzi ya pentekoste. Ba kasambala zintuyonse nzoba kajisi, a kupa bacete, a kuunka kuya bukambauka Makanimabotu.” Nda kat, “Nywebo nobantu musola kwaamba kunji nko muvvuide, kunji nko mujisi.” Kutali kunji nko mujisi; kunji nko mukonzya kugwisya!

²⁰⁹ Nda kayeeya, oyo mulombwana busiku bwainda, kaambaula cintu nciconya. Ii mukwesu umwi muniini wa pentekoste uuzwa ku Chicago wakanyamuka. Wa kati, “Mukwesu Branham, Ndi yanda kwiitila janza lyako.”

Nda kati, “Ko liita.”

Elyo wa kati, “Awo mpe mpawo Mbungano mpoya kalubizya.”

Nda kati, “I Muuya Uusalala kulubizya na? Ta ukonzyi.”

²¹⁰ Wa kati, “Wa kacita alya. Wabona, cindi kupenzegwa ni kwaabuka, tiiba kajisi muunzi nuuba omwe wa kuunka.”

²¹¹ Nda kati, “Ndulonya luyando lwa Leza. Mpawo ba kaunka konse, kusabalanganya Makanimabotu, nkaambo teeba kajisi busena bumbi bwa kuunka.” To konzyi kuzunda Leza. Iiyi, munene. Leza wakasambala buyo zintuzyonse kuzwa kunsi lyabo, kutegwa kaba tajisi busena bwa kuunka, alimwi bakaunka buyo kuya kukambauka koonse, nzila likke Leza njakaakonzya kubabamba kuunka.

²¹² Pele, sunu, tu yanda kutontozya, nywebo mulizi, a kukkanla cabupaale akulikwaya. Alimwi ikuti na mweembeli waamba cili conse nco tu tayandi, mu. Assemblisi, mpawo tu longela kuli Babumwi. Cindi aamba cili conse nco tu tayandi, ee, kumalekelo, tu lijana mu Baptisti na Presbyteria, na kumwi nko tukonzya kucita kufumbwa ncotu yanda. Eco—eco nce cintu. Abo ndiswe. Mpawo kuliita tobeni kuti “Banakristo”? Mu yanda umwi... .

²¹³ Mula muvootela mweembeli wanu, bunji bwanu, mu mbungno yanu. Elyo cindi mwacita, muyanda sicikolo waatala maningi, kutegwa mwakonzya kwaambila basimukobo, “Mweembeli wesu uli jisi ii—ii digrii lya bwiiyi, wesu Dr. Niini-a-niini.” Oh, ma! Muli—muli mukuzwa kuli Leza. Mu... .

²¹⁴ Leza ula liyubununa Mwini mu buubauba. Amuswiilile. Oko kwaka vulisylo loko ku bantu abo, baatala, balwiyo lupati, bantu bakaiya ku buzuba obo. Leza kalisisa Mwini mu buubauba, mu Muvwanda muniini.

²¹⁵ Amulangilile cindi nibaka Mu bambula, oh, eco cakauma mpikili. Myaka ya myaanda ili kkumi afuka, masikati aya, ba kabambula Sibwami wa Buumi. Kakuli, balo bapaizi bapati abo bakalibusya, cindi nibaka Mu bona kacita maleele ayo Nga kacita, a kuziba kuti Wa katapatila tubunga twabo. Wa kaba samununa do. Wa kanyukaanya lukanda kuzwa kuli mbabo. Elyo Wa ka baambila kuti tii bakali cintu cita cikama ca madaimona, alimwi, “Amweempwe!” Elyo baka... .

²¹⁶ “Leza ulakonzya ku mabwe aya,” wakaamba Johane, “kubusizya Abrahamu bana. Muta yeeyi kuti muli bana ba Abrahamu nkaambo mwa kazyalwa kamuli ba Juda. Elyo aboobo Mo... .” Wa kati, kabaita okuya kuti, “nzoka mu bwizu,” a zintuzyonse.

²¹⁷ Mpawo cindi Na kaimikila alya aa ciengano, ba kati, "Lino, ikuti na Uli Mwana wa Leza, ikuti na Uli Mwana wa Leza, Ko seluka kuzwa ku ciengano nkabela tula Ku syoma." Mwabona? I zintu zyoonya. Cindi niba kayeeya oyu Muntu kacita maleele, mpawo tiiba kakonzya kukaka eco. Pele ku Mu bona kaimvwi alya, nguonya Leza wa bulenge!

²¹⁸ Lino, Ndi lizi kuti bweende obu bwasyaasunu busola ku Mu bamba kuba muntu umbi. Pele Ta kali muntu umbi cita Leza Mwini. Mbo mbubo. Sunu, bweende bwasyaasunu bwakati, "Wa kali mwiyi mupati. Wa kali—Wa kali musinsimi." Wa kali mwiyi mupati, alimwi Wa kali musinsimi. Pele Wa kali kwiindilila ku mwiyi. Wa kali kwiindilila ku musinsimi. Wa kali Leza, taakwe kuceya kuba Leza.

²¹⁹ "Leza wakali muli Kristo, kayanzanya inyika kuli Lwakwe." Jesu wakati, "Nseli Ndime uucita zintu ezi. Ngu Taata Wangu, alimwi Walo ukkala muli Ndime. Ngu Taata muli Ndime." Wa kali Leza waka yubululwa mu mibili.

²²⁰ Umwi mwanakazi wa Kristiani Sayaansi kuba...Mundi jatile, Nse kanza kwiita eelyo zina ino. Nda—Nda usa Nda amba eelyo. Pele wa kati kuli ndime, waa kati, "Ba. Branham, Nda kubotelwa kukambauka kwako, pele," kati, "udundaizya maningi ali Jesu."

²²¹ Nda kati, "Nda lumba. Ikuti na oko nkukoonse Nkwe cita, oko nkubi kapati—kapati," Nda kati, "mpawo Ndili masimpe kuyaku Julu." Nda kati, "Ni Ndali jisi zisyobo zitandila ku milioni zimbi Nze konzya kudundazya Nguwe."

²²² Waa kati, "Ee, yebo Umu bamba cintuciwi Nca tali mbubo."

Nda kati, "Ngu zyoонse kuli ndime."

²²³ Elyo waa kati, "Ee, lino, Nda konzya kutondezya kuli nduwe... Yebo Umu bamba kuba Leza."

²²⁴ Nda kati, "Wa kali Leza. Ikuti na Ta kali Leza, Wa kali mucengi mupati-loko inyika ngoya kasola kuba awe." Nda kati, "Wa kali Leza. Ta kali cintu cakalela kuba Leza."

²²⁵ Bulowa Bwakwe Mwini bwakali Leza. Tula futulwa ku "Bulowa bwa Leza." Ta kali mu Juda, naanka kuti Wa kali Munamasi.

²²⁶ I mweenze kunkwela nguzyala hemoglobini. Dokotela ulizi obo. Ii nkukunseke ilakonzya kutula jii, pele ikuti na tiyyakali a muyuni mukombwe, tali kakonkolwi. Talikwe munzuka. Mbo mbubo. Mwabona? Li jisi... I seelo lya bulowa lizwa ku mweenze.

²²⁷ Elyo mu kaambo aka, Jehova Leza wakali mweenze. Wa kalenga seelo lya Bulowa muli Mariya.

²²⁸ Alimwi nywebo nobantu ba Katolika nomu mwiita kuti, "banyina Leza." Mbobuti mbwa kakonzya kuba banyina Leza,

kakuli Leza mupatikampatila a Uutamani? Ta kali banyina Leza. Waa kali cikumbilo eco Leza nca kabelesya, kuleta Mwana Wakwe okuno. Masimpe.

²²⁹ Pele kati, “Waa kali jii na?” Peepe, munene. Waa kajisi, nekunga wakaba a kunyanyamukwa, mpawo amulange ncomu citya Leza.

²³⁰ Wa kalengwa cakumaninina, Leza, Leza wa bulenge mukuba wakalengwa mu ciwa ca Muntu. Mbo mbubo ncobeni. Elyo cindi Na kacita . . .

²³¹ Waa kati, “Baa, Nda konzya ku kutondezya ku Bbaibbele lyako kuti Ta kali cimwi cita muntu.”

Nda kati, “Ko cicita.”

²³² Elyo wa kati, “Cindi Walo, mu Musalali Johane 11, Wa kaselemukula kuli Lazaro.” Elyo wakati, “Cindi Na kainka, Bbaibbele lyakati, ‘Wa kalila.’” Elyo wakati, “Citondezya kuti Wa kali uufwika, nape Na takakonzya kulila.”

²³³ Nda kati, “Oko kukazya kuli kotede maningi kwiinda kasamu ka kabambwa kucimvule ca nkuku yakafwa nzala calufu.” Nda kati, “Uta soli ku ndaambila obo.”

²³⁴ Nda kati, “Ndi yanda kukwaambila cintucimwi. Cindi Na kasemukila ku kabanda, kuli masimpe, Wa kalila. Wa kali Muntu, wakalila. Pele cindi Na kaswaanganya mubili Wakwe, uukotede muniini antoomwe, wakati, ‘Lazaro, ko buka!’ Elyo muntu, waka fwide kwa mazuba one, wakaimikila ku matende akwe a kupona alubo. Oyo wakali kwiindilila kukuba muntu, wa kakonzya kwiita mufu. Oyo wakali Leza mu Mwana Wakwe.” Mbo mbubo ncobeni.

²³⁵ Kwakali masimpe, cindi Na kaseluka kuzwa ku mulundu masiku ayo, kafwide nzala, kayandaula cintucimwi cakulya, kalanga cisamu eco, nkabela taka konzya kujana cintu cakulya, nkabela waka singanya cisamu. Oyo wakali Leza, kafwide nzala. Pele cindi na kabweza mabbisiketi osanwe a zibeela zyanswi, nkabela wakasanina bali zyuulu zyosanwe, oyo wakali Mulengi, Leza mu Mwana Wakwe. Wa kali ii . . .

²³⁶ Wa kali Muntu kalede kusule lya bwaato masiku ayo, cindi madaimona ali zyuulu zili kkumi aamu lwizi naka konkezya ku Mu nyikizya. Obo bwaato bwakaindi buniini bwa katontaikwa koonse, mbuli kavunisyø ka bbodela alya. Wa kali Muntu kalede alya, koona. Nsana zyakazwa muli Nguwe. Pele cindi Na kabikka cituta Cakwe aa mombe, kaato, kalungumana akuti, “Luumuno, kociliko,” nkabela myuuwo a mayuwe zyaka Mu swiilila, oyo wakali kwindilila kukuba Muntu. Oyo wakali Leza kaambaula kwiinda muli Nguwe. Wa kali Leza-Muntu.

²³⁷ Tiiba kakonzya ku cibona. Alimwi aa ciingano, ba kati, “Ikuti na Uli Mwana wa Leza, kolivuna Lwako,” kaamba mubbi kuli Nguwe. “Elyo ikuti na Uli Mesiya, koseluka kuzwa ku

ciingano. Kotu tondezya. Ikuti na Uli Mwaami waba Juda, ikuti na Uli Umwi, oyu, seluka a kutu tondezya.” Mwabona, oko nikwakaba kutondezya bwami.

²³⁸ Leza wakali kulibomya Mwini mu buubauba, kabweza ciwa ca lufu. Leza, ciwa caatala maningi ica Buumi, wakaba waansi maningi, kutukwa kwa buumi, sizibi, kufwa, kukuleta bubuke. Oh, ma! Leza kalisisa Mwini mu lufu, ku kulinondezya Mwini mu bubuke. Leza, ciwa Caatala maningi, Buumi Butamani, kubamba Muntu, mibili, Wakwe Mwini Ugaminina waku kkalilamo, wakaba buumi bwaansi maningi, muntunsi, wakatukwa aa Leza. Elyo kubweza lutuko, ali Lwakwe a kufwa, kalisisa Mwini kuzwa ku kuli abo basicilo bapati bakayiide.

²³⁹ Cindi dyabulosi naka Mu tola kunselele okoya, a kubikka kasila kuvumba meso Akwe, aku Mu uma atala lya mutwe, a kuti, “Lino, swebo, ba ndaambila kuti Uli musinsimi. Ko sinsima lino a ku twaambila oyo wa Ku uma. Tuyo Ku syoma.” Elyo baka pedana kasamu, umwi aumbi. Ta kabbamuna mulomo Wakwe. Cindi niba kaswida busyu Bwakwe, kamozola zilezu zikkhana mu janza. Ba kati, “Oh, ikuti oyo . . .” Dyabulosi wakati, “Ikuti na oyo wakali Leza, twa kali Mu jisi. Kwa mana.” Oh, amu Mu lange awo, nekuba. Wa kali Leza. Cindi Na kali kutanta . . .

²⁴⁰ Atu bweze kkamera yesu akwiinyona kujoka ku mudima oyo masikati, myaka yakainda ili myaanda ya kkumi afuka, aya masikati. Amu Mu lange katanta cilundu. Ndi mvwa nkwas. Ino ncinzi? Calo nceingano cakale cigalankene kuya butanta mbali ya cilundu. Nkukwela kuzwa mu mano azwide Bulowa bunji bwa Sikuyumuna, mbuli mbo cigwenuuka atala a myaala eyo, mbuli mbo cakali kuselemuka kwinda mu kagwagwa.

²⁴¹ Nda kalanga kusule Lyakwe lyonse, myeengo miniiini yoonse atala lya cikobela kakutakwe kusuma tubeela antoomwe. I Leza wa Bulenge kabweza ncoonya ciingano Nca kalenga. Mpaawo, Bulowa bwa Emanuleli bwaka talika kuboneka kusule, mu tubata. Mbuli Mbwa kali kutanta cilundu, tubata twaka talika kukomena a kukomena loko. Ndyoonya biyo, toonse twa kaba cikoto comwe cipati loko ca Bulowa. Elyo kuyaama ku mauli Akwe, maniini, mabombe, a kompeme, ba katalika kuswida. Ino cakali cinzi? Wa kadiimanya makuko Akwe, nsana Zyakwe zyabuntu. Cakali cinzi eco? Leza, Leza kalisisa Mwini mu buubauba. Oyo wakali Leza kabweza ciingano eco.

²⁴² Mpaawa Wa tanta cilundu, kali gunkula, awo Bulowa kabuzwa kuli Nguwe. Wa kawa. Simooni waka bweza ciingano, ku Mu gwasya ancico.

²⁴³ Mbuli Mbwa kali kutanta cilundu, dyabulosi wakati, “Yebo ulizi na?” Kati, “Ndi lizi kuti Tali Leza. Ndi lizi kuti Tali obo. Na taka cita ceeco. Nda Mu jata lino. Nda zunda muntu onse. Nda Mu jata. Aboobo Ndi lizi kuti tali Leza.”

²⁴⁴ Aboobo wakatuma nzuki ya lufu, yaku Mu luma; alimwi nzuki mboya katalikila ku vuuma kuzunguluka Nguwe, nywebo mulizi, inzuki, tuuka otu tujisi lumoola. Elyo lufu luli jisi lumoola. Pele, nywebo mulizi, ikuti na kauka kaola kuluma kusakana, aku somona lumoola lwako. Aboobo ikuti na lwakasola kubbila mu muntu, muntu walyonse...ikuti Na kali muntu walyonse, musinsimi. Wa kaluma basinsimi banji, nkabela wakafwa. Pele cindi nakaluma oyo Umwi, wa kasweekelwa lumoola lwakwe. Ta kacijisi lumoola lumbi kuzwa waawo. Leza; wa kasimpa mubili wakwe muli Emanueli, a kusomona lumoola kuzwa ku lufu.

²⁴⁵ Ii myaka misyoonto yakainda, cindi niba kali kuyo jaya umwi wa baapostolo Bakwe, Musalali mulemu Paulo, wa kakwiila a kuti, “Olufu, luli kuli lumoola lwako? Ocumbwe, kulaali kuzunda kwako? Pele kulumbwe kuli Leza, Oyo uutupa kuzunda kwiinda mu Mwami wesi Jesu Kristo.” Iiyi, munene.

Ino cakali cinzi? Leza wakalibomya Mwini. Oh!

²⁴⁶ Cindi muntu nakabisya, wa kalanduka mugelo mupati wakamubika a kati Leza, kusiya nzila yakwe yakujokela, kiitako. Elyo mpawo Leza wakabweza ciiminizyo, katuula ciiminizyo, a kucizumina. Mpawo ikuti na wakazumina ciiminizyo cakwe ca busena bwakwe, mpawo wa kakonzya kulanduka kujokela mu luswaanano a Leza, mbuli Mbwe amba ku matalikilo. Elyo mpawo bantu, kwa myaka, keendauka kwinda mu bulowa bwa mpongo, a mbelele, a banyama. Tiiba bakonzya kugwisya cibi. Kwa kavumba biyo cibi.

²⁴⁷ Pele mpawo ncinzi cakacitika? Ncinzi cakacitika? Buzuba bumwi kwakasika cintucimwi eco cakakonzya kujatila cibi, Bulowa bwa Mwana Wakwe Mwini. Elyo Wa ka jatila cibi.

²⁴⁸ Lino, okuno ciindi calino cainda... Lino, Nse kazibi. Ndiza kuli banasayaansi bakkede awa. Ndila bamba bukanazi. Nda ciita buyo kuti cintucimwi. Ta caambi obo, pee. Pele Ndi laamba kuti, twa kali ku... Tula jana, mbuli dosi lyomwe, liniini litakweakoliya lya inki. Leza ula konzya kulisisa Mwini muli eelyo. Mwabona? Ikuti na ndi dosi lya inki, lyakali cintucimwi kalitana kuba dosi lya inki. Atu bone mbo libede.

²⁴⁹ I lutaanzni, ndi dosi, inki. Ino ncinzi? Alo makkemiko. Twali pasaula kujoka. Nkokuli nko lyakazwida? “Ee,” nywebo mwati, “mpawo, kuzwa ku meenda alyo.” Eyo ngu H₂O, fumyula. Eco ncibeeala calyo.

²⁵⁰ Mpawo lijisi kkemikko muli ndilyo, ya mubala. Nkokuli mubala nko wakazwida? Lino, kuli mubala omwe biyo mutaanzi wini, oyo ula tuba. Tu lizi obo. Yoonse mibalala imbi ipangwa kuli muli utuba. Aboobo mpawo, tula ziba, mbobuti mbo wakasola kusika? Nkokuli oyu nkowa kasola kuzwida?

²⁵¹ Lino atu citobele kusule. Cintu citaanzi mulizi, “Ee, ee,” nywebo wati, “akaba asidi.”

²⁵² Kuzwa kuli asidi, mpawo cakaba nzi? Cintu citobela, ca jokela, “Ee,” nywebo mwati, “mpawo ciba kuzwa ii—ii mumuni.” Niinzi mumuni? Kuboola mu mamolekyu manji loko.

²⁵³ Elyo lino atwa ambe kuti molekyu wani, molekyu foo, molekyu eiti, kuboola antoomwe, a kupanga atomu yomwe, taimuzi atomu foo, taimuzi atomu sikisi. Lino, ikuti niyakali atomu foo taimuzi atomu faivi, niwakaba *utuba*. Wa kacitika kuba sikisi. Neinzi cakabamba ceeco? Nkokuli Nkwe jana kkemiko, antoomwe, kupanga mubala, inki iisiya? Mwabona? Ncibotu.

²⁵⁴ Wa kapangwa koonse. Mpawo nkokuli kowakazida? Wa kacita kuzwa kubusena bumwi bumbi. Wa kacita kuzwa ku Mulengi, nkaambo mbulenge. Ii bulenge bweelede kuzwa ku Mulengi.

²⁵⁵ Aboobo mpawo wakasika mu inki. Wa kali wa bukanze obo. Inga walemba kujatila. Inga walemba Johane 3:16 a kuvuna buntu bwako. Elyo mpawo, akwalo, inga walemba kupegwa mulandu kwako, a ku kutuma ku ntolongo ya lufu. Uli waano ku bukanze.

²⁵⁶ Lino, yoonse myaka eyi wakaba mboubede, kakanzwa ku cintucimwi, kupangwa obo mbocibede. Lino mbobuti mboya kusola kuujosya okuya?

²⁵⁷ Ba kapanga cintu citegwa bbulici. Nywebo nobanakazi muli cizi, Klolokisi. Lino, Ndi jisi cidishi ca Klolokisi cibikkidwe awa, nkabela Nda lokezya elyo dosi lya inki muli elyo bbakete lya Klolokisi. Lino kojana mubala wako. Neinzi cacitika kuli nguwo? Neinzi cacitika? I cintu citaanzi neco wacita, wauma maanzi, wauma Klolokisi. Eyo kkemikko yakali mpati loko kusikila ya katuma lweendoloonse kupilukila. To konzyi kubona naaba maccovu a nguwo na cintu cimwi. Wa zimaana. Ta ukabi limbi, nkaambo wasanduka kubweeda kubusena butaanzi oko nko wakazwida.

²⁵⁸ Elyo lino mbumbubo ncobeni Bulowa bwa Jesu Kristo mbobucita ku cibi. I Bulowa bwa Jesu Kristo! Lyaambe zibi zyako aa Bulowa bwa Jesu Kristo. Bula zisiya. Zya bikkwa mu Ziba lya Kuluba, akuta ciibalukwa limbi alubo kuli nduwe, pee.

²⁵⁹ Lino, mpaali Mbungano mpoibede sunu, bakwesu, ikuti na twa kazyalwa kuba bana ba Leza?

²⁶⁰ Alimwi Jesu Mwini wakati, “Ikuti na milao yanu yaamba kuti balo ‘tuleza,’ tuleza tuniini twendelezya nyika. Wa kat, “Ikuti na baiba abo kuti, ‘tuleza,’ oko Ijwi lya Leza nko liboola,” abo bakali basinsimi. I Ijwi lya Mwami liboola ku musinsimi. “Elyo ikuti na mu baita kuti ‘tuleza,’ mbobuti mbo Mu ndipa mulandu,” Wa kat, “cindi Nda amba kuti Ndili Mwana wa Leza?”

²⁶¹ Lino, ikuti na bulowa bwa bacende a mpongo bwa kakonzya kupa nguzu kuli Musa, kuunka okuya, ku kutumwa kwa Leza a kutandabika oyo musako, a kuti, "A ku boole nzinini." Wa kajisi Ijwi lya Leza, nkabela wa kaamba Ijwi eelyo. Elyo cindi na kacita, wakaba muyeeyo uuzwa kuli Leza. Ii ijwi muyeeyo watondezegwa. Elyo aboobo mpawo cindi Leza naka uyeeya, a kuubikka mu mizeeo ya Musa, nkabela wa ka waamba, wakaba Ijwi. Elyo Musa wakanyona akujokela; ndiza kakutakwe nzinini mu cisi. Mu oora kuzwa eelyo, ndiza nzinini yomwe yakale ya grilini yakatalika ku vuuma koonse. Mu cisela caora, kwakali mapaunderi ali kkumi ku yandi yomwe ya sikkweya. Cakali cinzi? I Ijwi lilenga lya Leza ilya kaambwa ku milomo ya muntu uuufwika.

²⁶² Leza ubelesya bantu. Leza nakakonzya kubelesya zuba kukambauka Makanimabotu. Leza nakakonzya kubelesya nguwo kukambauka Makanimabotu. Pele Leza wakasala bantu kukambauka Makanimabotu.

²⁶³ Ino ndipenzi nzi ku mbungano sunu? Kuli cintucimwi cilubide. Muzeego wangu, ta tubooli a kusinizya pe, ku cintu ciluzi, kuli ceeco. Ikuti na Leza wakakonzya kucita eco ku bulowa bwa mucende, impongo a bacende obo bwaka konzya biyo kuvumba cibi a kubamba mulungo wa sizibi, pele cibi cakacilik (kavumba biyo atala), ino inga Wa cita nzi kwiinda mu Bulowa bwa Mwana Wakwe obo bugusya cibi? Elyo Leza taka panga, pele Wa kalenga Bulowa obo bugwisya cibi coonse.

²⁶⁴ Elyo Marko 11:24, "Kufumbwa nco waamba ku dundu eli kuti 'zyuka,' aku tazumbauzya mu moyo wako, pele kusyoma kuti ec ncowaamba ciyo citika, inga waba aceeco nco wamba." Ili kuli Mbungano ya pentekoste, sunu? Ameni. Tamu mwisyi kuti eco cakaambwa, cibi cakaambwa nconzyo, gwisyia cibi. Ikuti na taakwe kugwisya kuli ci... Ci yaka cizabukilo aa mugelo oyu mupati, cijosya muntu kujokela mu Busyu bwa Mulengi Wakwe aku mubamba kuba mwana wa Leza. Ameni. "Oyo usyoma Ndime, milimo Nje cita uyo icita awalo." Ameni. Mpawo we. "Ncabenii Nda mwaambila, ikuti wambila dundu eli kuti, 'Ko zyuka,' akuta zumbauzya mu moyo wako, pele kusyoma kuti eco ncowaamba ciyo citika, inga waba aceeco ncowaamba." Bulemu kuli Leza. Ngu Leza wangu kaliyubununa Mwini mu bubombe. Mwabona?

²⁶⁵ Leza kabweza sizibi mubombe a kumu salazya kwinda ku Bulowa Bwakwe, a kulokezya cibi eco cakaambwa mu bbulici eyo ya Klolokisi iya Bulowa bwa Mwana wa Leza, a kubikka Buumi Bwakwe Mwini mu muntu oyo, ku lubbizyo lwa Muuya Uusalala. Mpawo ikuti na tuli jisi lubbizyo lwin lwa Muuya Uusalala, ncinzi cilubide kuli ndiswe? Cindi, cikozyanyo, cindi Eliya nakalosya cikobela kuli Elisha, wa katambula caabili cabubilo kuli ncico. Jesu wakati, "I milimo Nje cita, muyo icita

anywebo. Alimwi mipati kwinda eyi muyo icita, nkambo Ndi inka kuli Taata Wangu.” Ncinzi cilubide, ombungano?

²⁶⁶ Lino, mwa ka twiita kuti Bezebule, ku zilengaano a zintu mbuli ezyo. Amuleke kundi penzya. Mukwesu, selemukila ku ciingano. Koya ku Makanimabotu. Ta tweelede kulicengzeezya? Nkaambonzi ncomunga bwa bweza kulicengzeezya? Nkaambonzi ncomunga mwabweza muzeezo umwi wa bubeji kuli Ndilyo? Kakuli, mulengalenga izwide nguzu zini zya Pentekoste zibamba mwaalumi na mwanakazi, kuba mwana musimbi na mulombe iwa Leza, aku mujosya mu Busyu bwa Leza. Ameni. Mpaawo we. Leza kaliyubununa Mwini mu bubombe.

²⁶⁷ Wee rede kutantamuka ku miyeeyo yako ini. Wee rede kulekela tuyeeeyo oyo wakali muli Kristo kuba muli nduwe. Wee rede kukkanala alya mane cibi coonse ca kuyoowa, cibi coonse ca kuzumbauzya cazwa ku moyo wako. Alimwi ikuti na uli okuya, nkabela Leza ta kubwezi a ku gwisyia zibi zyako a ku kutumina mu Busyu bwa Leza, kuli cintuciwi cilubide ku luzibo lwako.

²⁶⁸ Ta ndikwe makani madigri ngo jisi aa budokotela, obo mboli mbungano mpati, amusyobo wa mvwili pati nko zulilwa, akuvula kwa tubunga, kufumbwa mbo cibede, ta cijisi cakucita a ncico, kusikila zibi zyako zyaambwa alimwi mu Bulowa bwa Jesu Kristo. Ula imikila koli mwana musimbi, na mulombe wa Leza, unjoloma wakazyalululwa, a Buumi bwa Leza muli nduwe, ku kwaamba Ijwi lya bulenge, “A kube kuti dundu eli lizyuke,” nkabela liyo kuswiilila. Ameni.

²⁶⁹ Leza kaliyubununa Mwini mu bubombe. Ula sala eyo misyobo iitakwe lwiiyo. Ula sala misyobo eyo uyo syoma buyo eco. “Nda Ku lumba, Taata, Cilenga wa majulu a nyika, Wa kasisa zintu ezi kuzwa ku basongo a basimaanu.”

²⁷⁰ [Kabeeeka katakwecintu aa teepu—Mul.] “...kuumwa a kunabbwa. Elyo twa ka Mu langanya kuumwa a kunabbwa, masimpe, kwa Leza. Pele Wa kayaswa nkaambo ka nsotoko zyesu.” I Klolokisi yakasika. “Wa ka cuzaulwa nkambo ka milandu yesu. I kukomwa kwa luumuno lwesu kwakali ali Nguwe. Elyo ku mibunda Yakwe twa kaponesegwa.”

²⁷¹ Ino Wa kacita nzi? Kalibomya Mwini ku lufu, masikati aa Bwasanu bubotu, kutegwa Aka buke aa Pasika lya Munsondo, ameni, kutuma kujoka kwa Muuya Uusalala aa Mbungano, kaijisi caabilo cabubili ca Nguwo, kutegwa tukonzye kucita zintu nzyoonya Nzya kacita, ezyo Nzya kacita. Wa kasyomezya, “Ezi zitondezyo ziyo batobela abo basyoma.” Elyo nkule kapati nko tutantamuka kuzwa kuli Nguwe, kwinda ku tunsiyansiya twesu! Mpaawo we.

²⁷² Leza kalisisa Mwini mu bubombe, kaliyubununa Mwini mu nguzu, eyo nje nzila Leza nja cita. Ayo mambabe aa Leza

mukucita eco, iyi, munene, kuti Ako nzye kuzabusya bana aa mugelo oyu mupati.

²⁷³ Mu kujala, inga Nda amba ceeci. Leza kalisisa mu lufu, kuboola lubo mu bubuke. Ndi yanda ku mwaambila kaano kaniini Nke kabala calino, mu kujala. Ba kati . . .

²⁷⁴ Mu ciindi ca Lumamba Lwanyika Lutaanzi, Nda kajisi babunyina batapi kuli bataata okuya. Beenima bakaliko mu lumamba olo. Bunji bwabo baka jaigwa.

²⁷⁵ Pele mu busena bomwe, mpawo, ba kajisi ii–ii nkamu yoonse ya basilumamba, basilumamba bana America, baka syanikizigwa. Impi ina Germany yaka basyanikizya. Elyo meshini gani kiidubuka, matobola akaindi mapati, a kufumbwa nzoba kajisi, matobolo adubula mabbomba, kufumbwa nzoba kajisi, baka basyanikizya. Tiiba kakonzya kuzwa, alimwi kwakanyina nzila ya kuzwida.

²⁷⁶ Njeeyi nkamu yonse ya basilumamba kinyonyooka mpoonya alya, nkaambo bakali ku mabazu oonse. Ba kali jisi ndeke. Kutaba acamba cakutuma yomwe kutala; balaidubwida ansi. Ii muntu kasola kuzwa; ee, balo, ku mabazu buyo onse. Taakwe cintu ca kaliko. Ntobolo zyabo zibotu zyaa kakilwa. Oonse mancenjela aa mpi aakakilwa. Ba kasynikizigwa kuli sinkondo. Kwakanyina nzila ya kuzwida. Taakwe cintu ca kaliko.

²⁷⁷ Mpawo, kumalekelo, umwi silumamba muniini wakayutuka. Wa kajana nkwilimba, imwi ya nkwilimba ezyo zyakayiisigwa kujokela ku muunzi. Obo mbu bwakali bulangizi bwabo bulikke. Ba kalemba mulumbe, a kuyeeya, "Ikuti na eyi nkwilimba yakonzya biyo kusika, a kupiluka mu busena bupati bwa kwendelezeza oko nkoya kazwida, inga yatola mulumbe oyu." Ii nkwilimba ya mulumbe, nkwilimba intumwe, alimwi eco cakali cintu cilikke ncoba kajisi: nkwilimba, ibombe niini. Zintu zyabo zyonse zya mpi zyaakakilwa. Pele ba kajana nkwilimba, ibombe niini. Ba kalemba mulumbe a ku waanga ku kuulu kwayo kuniini, a ku kwilekezya, ku cilongezyo a mupailo, kuti ika cikonzye.

²⁷⁸ Mubwini, bana German baka bona nkwilimba iituba ka yyuluka. Ba kaidubula, azintuzyonse zimbi. Umwi musyonga wakainda ku bbaba lyayo, kazapaula mapepe. Umwi umbi waka kwapula kuzunguluka nsingo yayo, kakosola kuulu kwayo. Umwi umbi wakauma kuulu kwayo kwa kajisi mulumbe. Pele nkwilimba niini ncete yaka zumanana kuuluka, kusola kutola mulumbe mukati. Ileelede. Bwakali buumi mu ntenda. Kumalekelo, a kupengaana kwayo, a kubabamuka mu muwo, a kunyona, nkabela yakawa. Elyo ya kawida mu mabbaraki, na mu kkeempu oko basilumamba nkoba kabede.

²⁷⁹ Umwi silumamba wakaibweza, wakai langa. Oyu mulombwana muniini wakati, "Ya dubulwa." Wa kajula, kalanga kuulu kwayo kuniini, a kuulu kuniini kwa kacuzaulwa, nkabela

kwakali ii—ii kagwalo. Ba kakabala kagwalo. Ka kavumbidwe bulowa. Nekubakuti kakavumbidwe bulowa, mulumbe wakazwidilila. Wa kazwidilila. Ba katumina basilumbamba bambi basigwasilizya, cakufwambaana, a kuvuna nkamu yonse ya basilumamba. I nkwilimba niini niya takasika, abo bantu boonse niba kaloba. Ino nilwakaba lunyonyooko lupati! Ni caka citu ciyoosya loko. Alimwi eco cakali cintu cipati ku nkwilimba eyo kucita, nekubakuti cakaitolela bulowa bwayo. Bulowa bwayo aa mulumbe.

²⁸⁰ Eco cakali cintu cipati, pele kutali cipati ku cisela, kusikila buzuba bumwi cibi nicaka syanikizya bana ba Leza. Kwakanyina bulangizi. Kwakanyina cintu ncoba kali kukonzya kucita. Bulangizi boonse bwakali manide. Pele mpaawo kwakasika, kutali nkwilimba, pele Nziba. Myaka yakainda ili myaanda ya kkumi afuka yakainda, aya masikati, mu buubauba, kwakazyalwa mu cilido, kafwa aa ciingano, pele Wa kasika ku Julu a Bulowa Bwakwe Mwini Bugaminina aa Mulumbe. Elyo Wa kavuna bana ba Leza, cakuti lino tula konzya alubo kuba banabalombe ba Leza a banabasimbi ba Leza, ku pona mu busalali a kunjoloma, ku pona mu Busyu Bakwe. Ndili lumbide ku Nziba eyo yaka seluka kuzwa ku Bulemu, ya katola Mulumbe, wakuti, Nda kali pengede, alimwi Wa kauka kupiluka ku Julu a Nguwo. Elyo Wa kazwide malowa, koonse, oko zibi zya inyika nko zyakacita. Pele, sunu, Ndili angulukide. Ndili mulubusi. Ndili kkomene kapatii.

²⁸¹ Elyo, nekuba, mubombe inga wa Li mvwisya. Ndili kkomene kuti Ndili mubombe kweelede ku Li mvwisya. Sa tamu kkomene kuli ceeco? [Mbunga yaamba, “Ameni.”—Mul.] Sa tamu lumbide? [“Ameni.”] Leza kalisisa Mwini mu buubauba.

²⁸² “Wa kalemekwa a kusampaula. Twa ka Mu langanya kusampaaulwa a kupenzegwa. Twa kayuba, mbuli mbo kwakabede, masyu esu kuzwa kuli Nguwe.” Ta kali silumamba mupatu ngoba kayeeyela kuti Mbwa yooba. Ta kali simpi sicamba oyo ngo bakali kulangila. “Pele baka sisa masyu abo kuzwa kuli Nguwe.” Ba kafwa nsoni. “Pele, nekuba, Wa kayaswa nkambo ka nsotoko zyesu, kacuzaulwa nkambo ka milandu yesu.” Cakali cinzi? Leza kalisisa Mwini mu buubauba. Jehova kaba Muntu, kutegwaa Walo kafwida bantu; ku kupilusya Mulumbe, a Bulowa Bwakwe Mwini, ceelelo ca Leza, kuteeti muulo waka bbadelelwa, nkabela twa kanununwa.

²⁸³ Elyo sunu, mbuli bubombe mbocinga caba, toeleded kuba musongo, toeleded kuba a lwiyyo. Kosyoma buyo Mulumbe, Ijwi ly a Leza. Alimwi ayebo inga wafutulwa akuba mwana wa Leza, kwiimikila mu Busyu bwa Leza, a kucita milimo ya Leza.

²⁸⁴ Atu kotamike mitwe yesu asyoonto buyo kuciindi notu lomba zilongezyo zya Leza aa zintu ezi.

²⁸⁵ Ndi yanda ku mubuzya cintucimwi. Sunu, mbuli maredio mbwa zumanana, a mitende. Nda bona mutende kuseeni sunu, oko nkobali kwiinda mu mucito, muntu kakulikide ciingano. Bali jisi misyobo yoonse ya zintu. Aa Pasika kuseeni, mbungano yoonse uyo sakatizigwa kubelesya impana. I zipaillilo ziyo zula impana. I kasulwa ka Pasika katola busena, nkuku, Nda libuzya eco neco cila cakucita a Pasika. Ii kasulwe, munyama uutasalali, ku meso aa Leza, bakali kukasigwa kubalya na kuba guma mu ciindi ca Bbaibbele. Alimwi nkuku, cintu nciconya, madakisi. Pele nekubaboobo zya tola busena bwa bubuke. Santa Claus watola busena bwa Krisimasi. Oh, ma! Ino inyika iboola kunzi, mweenzuma? Tula ali? Sa mwabona oko nko twaunka? Tu tozya cigaminina moonya mu dindi. Mbo mbubo. Twa syanikizigwa ku cibi, a buzumini bwabukombi atuyanza twabukombi.

²⁸⁶ Pele Mutumwa wakainda, myaka yakainda ya myaanda ili kkumi afuka, masikati aya. I ceelelo caka janwa. “Mwana wa Leza, wakapangwa mu cinkozya ca mubili wacibi, kazyalilwa mu ciba. Taakwe buboto mbo twa keelede ku Mu yandila. Wa kali muntu wa mause. Tee twaka Mu yanda. Twa kasisa masyu esu kuzwa kuli Nguwe.” Tu cicita cintu nciconya asunu.

Yebo wati, “Ne tako cicita.”

²⁸⁷ Oh, kulanganya kwako sunu kula tondezya kuti nokacicita. Uli mukucicita lino. Wabona? Sa inga tobweza nzila yako ya bubombe? Kwaamba, “Mwami Leza, Ta ndikwe ndaba eco neco cinditolela. Ta ndikwe ndaba obo mbocibede. Nda manizya ku cibi.” Ta ndaambi—Ta ndaambi kuti uli mubi, taambi kuti ulafweba, kunywa, na cili coonse. Pele toli syomi Ijwi. Wabona?

²⁸⁸ Ikuti na ula lisyoma Ijwi, koamba, “Mwami, Ta ndikwe ndaba eco nce cinditolela. Kula nditolela kabungwe kangu, ikuti na kula nditolela parti yangu ya kusuma, ikuti na kula nditolela kkilabbu yangu, ikuti na kula nditolela mpuwo akati ka beenzuma, Ta ndikwe ndaba eco cinditolela. Ndiyo zumina mulumbe wa Kalivari. Ndi yooba mubombe. Ndi yolibomya ndemwini, kuzwida ku ciindi cino.”

²⁸⁹ “Ndi lizi, ikuti na Nda lekela masusu angu kulampa,” nobanakazi, “bayo ndiita kuti waciyanza cakaindi. Ta ndikwe ndaba eco ncoba ndiita. Ndi yooba mulindu. Ba ndaambila kuti Ndi boneka kuti Ndila siyasiya a kufwa. Ndili fwide muli Kristo. Ndi yocicita.”

²⁹⁰ Nobaalumi, “Ta ndikwe ndaba na mbunji buti buzumini a tuyanza twabukombi mbo bassola kusyonka muli ndime. Kuzwida lino, Nda zumina Mulumbe wa Leza mubombe. Ndiyo usyoma Walo. Ndiyo kkala mane zibi zyangu zikamane do. Ndiyo kkala awo mane Muuya Uusalala ukatile muli ndime, lusyomo lwa Ijwi lyonse ilya Leza lilembedwe. Wa ka Li syomezya kuli ndime. Alimwi ikuti na Ndi jisi mugelo oyo mupati wakuzabukila awa, cizabukilo, kwinda ku Bulowa Bwakwe

bululeme, mpawo Nda konzya kwiimikila mbuli mwana wa Leza. Ndilaa syoma Makanimabotu oonse. Ndiyo cicita.”

²⁹¹ Sa inga mwayanda kucita ceeco? Sa inga mwayanda oko kulisalazya ndyoonya lino? Ikuti inga mwayanda, amutambike maanza kuli Leza. Elyo koamba, “Kondi yeeya, Mukwesu Branham, mbuli mbo paila. Ndi yanda Leza kucicita.” Leza amu longezye. Mbo mbubo. Ncibotu. Ula libona janza lyako.

²⁹² Taata wesu Wakujulu, bubombe, kulibombya kwa kusyoma Nduwe, obo Yebo mbo liyubununa Lwako mu bubombe! Obo mbo tubona mu mazuba aya, a mazuba oonse, kuti mbungano uyo lijana ini mu ciimo eco. Mpawo Uya kuyaansi eni mu cijelo, kuta bwenwe, a kusala cintucimwi, ku cinanika, ku cituma, nkabela ciyo kakwa, mpawo kubeteka inyika kuli ncico.

²⁹³ Leza, tula bona sunu, kuti, kwa myaka ili makumi obilo, Muuya Uusalala uuyandika, Oyo bantu ngo bakasola kuzumina kwinda mu kayanza kabuzumini, alimwi nekubaboobo Wa ka Uleta mu nguzu Zyawo a luyubunuko Lwawo. Ii cikama, ca bantu bacete cakatandwa, cakasampaulwa caka Li tambula, ka Li syoma. Wa kalilemya Lwako muli mbabo, Mwami. Elyo lino twa babona, mu nzyalani iimbi, kabasola kuba bazukulu kuli Leza. O Leza, ino ncintu ciyoosya! Akube kuti baalumi a banakazi bacije cakufwambaana kuya ku bubombe bwa kusyoma Makanimabotu. Ko cipa, Mwami.

²⁹⁴ Maanza manji atambika awa, sunumasiku, baalumi a banakazi banji. Elyo, Mwami Leza, Nda Ku lomba kuti ubalongezye. Nda lomba kuti mboonya obu busiku bajane luumuno lwa Leza muli umwi aumwi moyo wabo; cakuti bayo zulwa loko a Muuya Wako, cakuti bayooba a lusyomo lwa kucita maleele, lusyomo lwa kupona buumi bunaleza; kupona buumi bubotu kapati, cakuti, cindi baa kwaambwa bubi, bata kaambi kujosya bubi; kuti baka konzye kujosya lumyonto ku lubayi; cakuti baka konzye kujosya bubotu ku bubi. Ko cipa, Mwami. Kobamba bantu kuba babombe. Kobamba bantu kuboola kuziba kuti Uli mu nguzu zya bubuke Bwako. Akube kuti lufu Lwako lutabi lwabuyo muli ndiswe mu nzyalani eyi.

²⁹⁵ Twa lomba lino kuti Uyo busya Mbungano Yako, Mwami. Ko Ipabulemu a Kwi lemya. Ko Ituma kumuunzi waku Bulemu. Tula zisyoma zintu ezi, Taata. Kobamba banji ano, sunumasiku, abo yandaula Leza, ku Mu jana mu oora eli. Twa cilomba mu Zina lyu Jesu.

Elyo kuciindi notu kotamikide mitwe yesu.

²⁹⁶ Nda libuzya lino ikuti na uyanda kubamba ntaamo imbi kuya kuli ceeco, ikuti na uyanda kwiimikila a kwaamba kuti, “Nse fwinsoni, nekubaboobo Ndi zulilwa ku mbungano. Ndili muna Methodisti, Baptisti, a Pentekoste,” kufumbwa mbonga waba. “Nse fwinsoni. Ndila mvwisya kuti Nda kasyoma coonse mu cintu Nce zyi. Pele Nse na sika ku busena oko Nkwe

konzya kusyoma kumaninina Makanimabotu, aku Li bamba kubeleka mu buumi bwangu. Nda kabona zintu. Ndi syoma kuti nzisyomezyo. Ndi yanda ku cisyoma. Pele Wa kandaambila kuti, na Ndala Li syoma, *eci ciyo beleka*. Aboobo, kuli cintucimwi cilubide kuli ndime. Ta cikoobeleka. Nda kasoleka ku Li bamba kubeleka, pele Tali cicit. Alimwi Ndi fwansonni kuli ncico. Alimwi Ndi yanda inyika kuti izibe, Ndi yanda bantu okuno kuziba, kuti Ndala sinizizye alimwi Ndala Li yanda mu buumi bwangu. Ndi yanda kuba kamboni wini wa Kristo, a Makanimabotu azwide kalyubulula Eni moonya mu buumi bwangu.” Sa inga waimikila ku matende ako akwaamba, “Ndi yanda kuba kamboni kuteeti Ndi yandaula Leza”? Leza amu longezye. Mbo mbubo. Mwabona?

Jesu wakati, “Ikuti na wafwa bweeme kuli Ndime kumbele lya bantu, Njo kufwida bweeme Yebo kumbele lya Taata.”

²⁹⁷ Lino, mbuli bantu aba ba Pentekoste, na Methodisti, na Baptisti, bajisi zintu ezi zya bwini, ikuti na wazabuka oyo mugelo mupati, kusikila waziba masimpe kuti wiimvwi mu Busuyi bwa Leza, mwanamulombe amusimbi wakanununwa iwa Leza? Elyo zitondezyo a zigambyo, kutali kuliceengezya, pele cisyomwa cini ca Leza, Muuya Uusalala, kaupya muli nduwe? Alimwi eco ncowamba ku dundu eli, lila zyuka na? Ula syoma obo na? Ikuti na tali citi, lino nciindi cako.

²⁹⁸ “Mbobuti mbo ziba kuti cili cangu . . .” Yebo watii, “Ee, Nda kaimikila, kale.”

²⁹⁹ Ee, ikuti na ulimvwa nzala ncobeni ya Leza, ula zumanana kwiimikila kusikila Wa boola. Takukwe mamanino kuli ncico. Ula kakatila. Mbuli mwanakazi muna Sirofonia, ta kakonzya kubweza “peepe.” Wa kali ku ciyanda, ncobeni. Sa ulili bambilide kwiimikila? Sena kuli umbi katutana komba? Olo lwiimbo lubotu:

Wa kagagailwa aa ciingano nkambo ka ndime;
Aa ciingano waka bambulwa, mpaawo Wa
kafwida ndime.

³⁰⁰ “Ndala Uyanda, Mukwesu Branham. Ndala Uyanda Leza. Ndala Uyanda ncobeni. Buumi bwangu, ee, Ndi yanda kucinca. Nda—Nda kapona kuyeyela obo. Nda kapona kulangila obo. Ndi yanda cintucimwi. Ndala—Ndala Uyanda. Ikuti na abo baapostolo bakakonzya kuuma mpa eyo cakumaninina, ciindi coonse, mbubonya Ndala konzya.”

³⁰¹ Eco Nce wamba. Ikuti na Wa kabelekela baapostolo, Ula beleka lino. Ikuti na cakacitika ciindi comwe, cilacitika alubo. Ikuti na Wa kali Leza lyonse, Walo ucili Leza. “Ngu mbobuca nguwenya, sunu, amuya myaaka.” Oyo ngo mwaambo wangu wamiswaangano yanguzu. Ikuti na kabungwe kako tako syomi eco, lekela kabungwe kako kasyome *eci ncoba* yanda. Ko syoma Bbaibbele. Ko Li syoma. Sa ula imikila? Kutandila bali eiti

na kkumi bambi baimikila mpawo. Leza amu longezye. Leza amu longezye. Banji baimikila, banji baimikila. “Ndili sinizizye, Mukwesu Branham. Ndila Li yanda.”

³⁰² Cintucimwi cakacitika buzuba bumwi. Mwa kabala, na kumvwa teepu, “mizunzumo ili ciloba,” *Ino Ncindi Nzi, Munene?* Mwabona? Ca kacitika buzuba bumwi. Mulizi zintu ezi. I ciindi cili afwaafwi, mbungano. I ciindi cili afwaafwi. Muta, muta, muta lindili cindi cimbi. Mwabona?

³⁰³ Mbobuti mbo muysi kuti Kukwempwa takuli mukucitiki ciindi coonse? Cintu citaanzi mulizi, kuno indide kale, omwe wazimaana *awa a okuya*. Ku nocitide, cintu citaanzi mulizi. Alimwi myo... Lubeta luyo uma inyika. Yebo wati, “Ee, Nda—Nda kali kuyeyea *ceeci*.” “Ciindi camana kale lino.”

³⁰⁴ Amuyeeeye, teeba kacizyi kusikila buzuba mbo bakanjila mu bwaato, elyo mpawo kwakali kumukisya. I nakalindu mufubafuba takazi kusikila na kajokela a kujana nakalindu musongo kuti wakaluunkide, mpawo waa kasyaalila mwaakwe wa Mapenzi.

³⁰⁵ Taakwe mwiiyi uli kabotu usyoma kuti Mbungano, Nabwiinga... I mbungano uyo inda mu Mapenzi, pele kutali Nabwiinga. I mbungano iyo inda, mu kusalazigwa, masimpe, kensi lya cinamatizyo cacisambomwe. Nconzyo. Israyeli yakacita cintu nciconya, kuli bali zyuulu zili myaanda ya makumi one abane, kutali Nabwiinga. Kuli...

³⁰⁶ I Nabwiinga waka jatilwa. Walo wiinka cigaminina ku Bulemu, mu Kukwempwa. Mbo mbubo. Walo, muzeezo wangu, cizo camamanino ciyo kwempwa, bumwi bwa mazuba aya. Inga kwaboola, alimwi inga tii mwaziba kujatikizya ncico. Amuyeeye, kalo nkaziye, kaziye kakukwempa. “Uyo boola mu oora ndyo muta yeeyeli.” Tamu kazibi cintu kujatikizya nkuko. Uno unkide; kunooli kumukisya mpawo.

³⁰⁷ Yebo wati, “Ni Nda imikila.” Ikuti na wakali solede kubamba kwiima, lekela muswaangano oyu, ku Albuquerque, lekela eci kuba ciindi neci bamba kwiima.

³⁰⁸ Lino, ikuti na ulimvwa ncobeni kukwabililwa kuli Kristo, ulimvwa kuti ujisi Muuya Uusalala a Bulowa bwa Jesu Kristo, zitondezyo a zisyomezyo zyonse zili kukulailila kwako, alimwi Ula zibona kazitondezegwa a kubeleka mu buumi bwako, alimwi ulizi kuti nzya bwini; ikuti na kokkede awo mbuli obo, nkabela ula cisyma, Njo bweza majwi ako kuli ncico. Cili kuli nduwe. Ikuti na tociti, weeleda kuti kolli ku matende ako. Pele ikuti na ula cisyma eco, a kuziba kuti ezyo zitondezyo a zigambyo kuteeti Jesu, kusimpikiziga kwa Mesiya, zila kanana kuli nduwe; ikuti na tacili obo, nkokuti weeleda kuba ku matende ako. Ulelekwe. Mbo mbubo.

³⁰⁹ Ndili mweenzi kuli ndinywe nobanji. Bunji bwanu mundi langanya kuba mulunguluzi. Nse kaamba cintu cijatikizya obo.

Nywebo mulizi obo. Nda kubamba . . . Eelyo talinaba oora. Pele mula ndisyoma lino. Amundi syome, mbuli mulanda wa Leza. Sena Nda kasola ku mwaambila cintu cili coonse mu Zina lyam Mwami cita eco cakacitika? Ikuti na caamba obo, amwaambe, “Ameni.” [Mbunga yaamba, “Ameni.”—Mul.] Ta cina kakilwa, ku zyuulu zya zintu, taakwe ciindi comwe pele eco cakali bwini. Nywebo mulizi obo, inyika yoonse.

³¹⁰ Nekubaboobo, tamu zuminani a ndime, nobanji, mu lwiiyo lwabukombi. Alimwi Nseli silwiyo lwabukombi. Ndi kanana biyo nce Ndi mvwa. Elyo mpawo cindi Nda cimvwa, Nda langa mu Bbaibbele. Ikuti na ta ceendelani a Bbaibbele, Nse kacitambuli. Pele taakwe ciindi comwe nicaka sola kwiiampa na ku Ijwi, pele antomwe a Ijwi. Nke kaambo nci cakatondezegwa. Leza ula simpikizya.

³¹¹ Lino, mwa ndimvwa, mpawo. Ikuti na mula ndisyoma kuba ii—ii mutumwa wakatumwa kuzwa kuli Kristo, kuli ndinywe, amundi syome. Ikuti na toli mu Bwami wa Leza, ncibotu wa bindaanina cakufwambaana.

³¹² Ta cika boti. Ciyo indila kubija, ciindi coonse. Lino amu cilembe buyo eco. Mwabona? Koyeeya buyo, bona naa cili kabotu na cili lubide. Kobona ikuti na ciyo lulama na kulubila. Ta cika boti. Ciyo indila kubija. Ciyo yuma maningi, ciindi coonse. I lubukulusyo lwa kamana. Mu vululwida buyo mu myuunda. Ya amana. Lino yebo wati, “Nse zuminani a ceeco.” Mbubo. Kuli kabotu, na ula cita. Oko kuli kabotu. Oko nkulamwa kwangu. Oku nkumvwisywa kwangu kuzwa ku Julu.

³¹³ Ndila syoma kuti bukkalo bwa Laodikeya mbukkalo bwa Pentekoste, oko nko buboola kubusena bwa kukasaala, nkabela Leza wabuswida kuzwa u mulomo Wakwe. Alimwi mpaawo mpa boola ncobeni lino. I nkamu ya Pentekoste yaboola ku busena obo, kukasaala, kutali kupya kapati, kutali kutontola kwa caanda. To tontoli a kuba sikalengwa, nkabela tupisyi. Uli mu ciimo ca kuswidwa, alimwi ulaya.

³¹⁴ Jesu, bukkalo bulikke Mbwa kaimikila anze lyam mbungano. Tuyanza twabo twabuzumini twaka Mu tandila anze. [Mukwesu Branham wakonkomona aa cikambaukilo—Mul.] Kakonkomona, kasola kujokela ku mulyango, “Bona, Nda imikila ku mulyango, a kukonkomona; ikuti na muntu uli onse walimvwa Jwi lyangu . . .” Ndili kkomene kuti mwamvwa, sunumasiku.

Lino, Ndi konzya biyo kukulomba kwiiimikila.

³¹⁵ Walo ulangide nduwe. Jesu wakaamba, kuti “Oko bobilo na botatwe nkoba bungene mu Zina Lyangu, mpaawo Mpendi akati kabo.” Ikuti na takuli obo, takukwe Leza; takukwe Bbaibbele; takukwe kupasuka kwazuba; takukwe kubila kwazuba; takukwe malubaluba; takukwe samu; toli kookuno ncobeni; uli mu ciloto; buumi tabuli kasimpe; toli muntunsi.

Aboobo, nciyumu kuli ceeco kuba, aboobo tacikonzeki kuli Nguwe kutaba okuno. “Elyo ikuti mukalombe cili conse mu Zina Lyangu, lusyomo kalusyoma, Uyo cipa kuli ndinyewe.”

³¹⁶ Lino, oyo tali nduwe lino. Wa iminina bumboni, kuti ula Mu yanda. Lino, mu nzila yako, nzila njo paila, nzila njo yanda, Ndi yanda kwaamba kuti, “Mwami Leza,” mu moyo wako. Lino muta swiilili . . . I—i—muswangano wangu okuno uyo mupa ciindi cinji kuli ceeci, ciindi coonse mwa yanda. [Ii mukwesu aa cibumbili watii, “Iiyi. Mbo mbubo.”—Mul.]

³¹⁷ Lino, mu nzila yako, mu nzila yako. Lino, Ndi lizi ncilengwa cakutu muntu omwe waimikila, umwi umbi waimikila, bamwi bambi bafigama mu nzila *eyi*. Pele kufumbwa nzila njo yanda, Ta ndikwe makani mboi bede. Utaambi kuti, “Mwami, andi cite *ceeci*. Andi cite *ceeco*.” Koamba buyo kuti, “Mwami, ndizuze. Ndizuze Muuya Uusalala. Ndili sinizizye muli ceeci. Nda cikanza.” Lino, ikuti na wa cikanza, We elede kuboola. Nciyumu kuli Nguwo kuta cita. Wa ka Usyomezya, nkabela Walo usola kutonta mu moyo wako.

³¹⁸ I cintu cilikke, kojula biyo aniini, a kwaamba, “Boolu mukati a kwiimikila *awa*, pele uta zunguluki koonse, kusobanina buumi bwangu bwakumbali.” Wabona?

³¹⁹ Ula kuyanda. Ula kuyanda koonse mbobede. Ula kayanda kampatikwa koonse kali mu moyo wako. Ula buyanda buumi bwako bwakumbali. Ula buyanda buumi bwako boonse. Walo uyanda kuba Mwami wako. *Mwami* ngu “bumukamwini.” Ula kuyanda kuba wakwe, kutegwaa Kano konzya ku kweenzya, ku kulailila, ku kubweza, ku kubelesya. Sa uli libambilide kucita ceeco? Ikuti uli obo, Walo uyanda kunjila, nape notali kwiimvwi awa. Wabona? Aboobo lino ndi orra lyako lya Kuu tambula.

³²⁰ Lino cili kuli nduwe. Lino, ikuti na uyo syoma a moyo wako oonse, ciyo bambwa kuzwida lino. Obu buyooba busiku bwa ciibalusyo. Antela tabako jala milyango eyi sunumasiku. Muyo kkala busiku boonse omuno. Pele ikuti na ula yanda kucita eci, koamba, “Mwami, Nda imikila ku matende angu. Kusikila Undu zuzye kweendelana ku cisyomezyo Cako, Nse kazwi awa Mpe imvwi.” Yebo kokanza ncito kuli Leza, Uyo oba ancito kuli nduwe.

³²¹ Pele kusikila wacita, ula uma canguzu, “Mwami, sa Ula ndioia Muuya Uusalala sunumasiku? Taakwe nce mvwide. Ee, ndiza Njo sola juunza masiku.” To kajani cili conse cizwa kwa Leza mbuli boobo.

³²² We elede kuboola, cakupengana, cakufwa, mpawo uyo Ujana. Mbo mbubo. Wa ka Usyomezya. Ikuti na embo, ino ubeleseyza nzi ciindi cako, ikuti na zyalo zisyomezyo tazili bwini?

³²³ Nje nzila zintu ezi mbo zicitika. Nke kaambo Nda konzya kwiimikila a kwaamba ku nyika kuti, “Sena Ijwi lyakasola

kukakilwa?" Leza wakandi syomezya, kaindi eelyo, mbuli kana. Ako nkekaambo.

³²⁴ Kwaamba, "Sa ula yoowa kukakilwa?" Nse citi. Ndime sikukakilwa lyoonse. Ta citi.

³²⁵ Nse kanani majwi angu. Ndi kanana Akwe. Nke kaambo lyonse Ali luleme. Mwabona? Nke kaambo Ndila ibuzya iyika, "Amundi tondezye ciindi comwe nicata kacitika. Amundi tondezye ciindi comwe, ku zyuulu zya zintu Nzya kaamba." Taakwe ciindi comwe ni Ca akakilwa, alimwi Ta cika citi, nkaambo Ngu Leza kutali muntu.

³²⁶ Aboobo, Leza uli waano lino. Kristo uli akati kesu. Walo uli libambilide kukupa Muuya Uusalala ikuti na ula yanda Kuu zamina. Kutali kubbadele muulo; muulo waka bbadelwa kale. I muulo waka kombelwa obu... bbadelwa masika aya, myaka yakainda ili myanda ya kkumi afuka, ikuti na ula yanda ku cizumina. Ikuti na uli obo, lekela moyo wako kuunka lino. Koujula. Kogusya kuyoowa koonse, kuzumbauzya koonse. Tambika maanza ako kuli Leza, kwaamba, "Mwami Leza, mpaawa Mpendi. Nda imikila awa. Nda imikila mu Zina lya Jesu Kristo."

Nda kukombela. Ko komba, ayebo.

³²⁷ Mwami Jesu, mu nzila ya bubombe, mu nzila ya kulibombya, Nda pa mbunga eyi kuli Nduwe ili ku matende ayo. Nda bapa kuli Nduwe, nkaambo baimikila ku kuvwiila Iwiito. Ba yandaula zintu zisakene maningi. Ba yandaula Buumi bunji, kumane kumvwa kuti Bulowa bwa Jesu bulu salazya cakumaninina kapati, kuti takucikwe cintu cimbi; kuti Ijwi lya Leza limaninide likkale mukati kabo; cakuti nkoonya kulalila kwa jwi lyabo ninguzu zyakulenga, nkaambo muli mbabo kuli Muuya Uusalala. Elyo oyu Muuya Uusalala walo Mulengi. Ula panga zintu, kucitika, nkaambo Walo ukanagan Ijwi. Alimwi Ijwi, lyakaambwa, liba Leza muncito.

³²⁸ Elyo Mwami, Nda lomba kuti Uyo tuma Muuya Uusalala ali umwi aumwi wabo ndyoonya lino. Alimwi kopa kuli mbabo, Mwami, mu nguzu zya bubuke bwa Kristo, zintu nzo bayandisyu mu moyo wabo: buumi bubotu, lubbizyo lwa Muuya. Mwami, acibe booboo, kuti eli bbunga liyo munikilwa, myoyo ya bantu iyo bona cilengaano a kuzuzigwa nguzu zya Leza. Nda bapa kuli Nduwe, Mwami, mu Zina lya Jesu Kristo.

³²⁹ Lino kamu citambikide buyo maanza mujulu. Bamba mutwe wako kukomba. Bamba moyo wako kuzuzigwa, koamba buyo kuti, "Mwami, Nda Ku syoma."

Kondi zuzya. Kondi zuzya. Kondi futula.

o Muuya wa Leza muumi, kondi wida cabupya.

³³⁰ Amulete sikwiimbya wanu mu nyimbo awa lino, kuti asololele mu nyimbo, "Kondi wida cabupya, Muuya Uusalala."

³³¹ Kobamba buyo, “Ta ndikwe—ta ndikwe. Ndila imikila mpoonya awa Mwami. Ndili mu janza Lyako, mbuli mubetesi uutaluleme. Ndili mpoonya awa.”

(Ulelekwe, mukwesu. Wa cita ncito mbotuloko ili boobo, Ndi yanda kuti utusololele awa.)

³³² Koimikila buyo awo, “Njo imikila mbuli cibumbwa. Ndila imikila mbuli oyo mukambausi mbwakacita busiku bumwi aa ciluli. Ndi liimvwi awa, Mwami. Ta ndikwe makani kuli oyo undilangide. Ta ndikwe makani ikuti na mweembeli wangu okuno. Ta ndikwe makani na nguni. Ndili waano. Ndi yanda cintucimwi. Ndi yanda cintucimwi kucitika kuli ndime. Wa ka Usyomezya. Ndila waano Kuu tambula. Alimwi ikuti na Uyo bekala bamwi, Uyo ndibekekela. Ndili waano Kuu tambula. Ta ndiko kkala ansi. Ndili kanzide.”

³³³ (. . .? . . Oh, Ndi jatile Mukwesu . . .? . .) [Umwii aa cibumbili waamba, “Lwiimbo lomwe, mukwesu. Bala luyanda. Ula kuyanda atala awa. Mbubo?”—Mul.]

³³⁴ Nce ncico. Kkala ncobeni a ncico. Kozumanana kukomba, ikuti na ucikanza nconzyo, ikuti na ucikanza nconzyo. Ameni. Yebo ucikanza nconzyo, kkala ncobeni awo. Uli imvwi munsi lyako. Kkala ncobeni a ncico, “Ndili waano, Mwami. Nse kaputi. Ndiyo Ku syoma. Wa ka Usyomezya. Ta ndika bwezi kwezeezya. Ndi yanda Muuya Uusalala wini ali ndime. Ndi yanda kuti Undi zuzye ndyoonya lino. Ndili waano, nkelindila.”

³³⁵ Uta imi. Kozumanana buyo kupaila. Uta swiilili ciimbo cili conse. Kozumanana buyo kupaila. Eelyo ndepenzi kuli ndiswe, sunu: tu swiilila ku ciimbo; tu swiilila ku cintu comwe, cimbi. Twe elede kuno swiilila Jwi lya Leza. Kozumanana kuswiilila. Wa ka Usyomezya. Ikuti na Wa ka Usyomezya, Uyo cicita. Ameni.

³³⁶ Nziindi zyongaye Nze kabona! I meso aa bantu ajuka aabali zyuulu zili makumi obilo na makumi otatwe. Nziindi zyongaye Nze kabona! Omuya mu Durban, South Africa, Nda kabona maleele agambya ali zyuulu zili makumi obilo azyosanwe, aa ciindi comwe. Bantu kabaimvwi, kabotu mbuli obu, kusikila baka bweza myootokala mipati ili ciloba ijisi zyeenzyo a mawhiluceya kuzwa kuli basicisi abo batakazi janza lya lulyo kuzwa kuli lya lumwensi. Bakaimikila mpoonya alya a kuzumina Kristo, a kweenda kuzwa; balema, boofu, basinkematwi, basyataambi. Ikuti na Uyo cicita kubana Africa basiya, ino Uyo cita nzi kuli baabo beelederupona mu ciindi, mu mbungano, mu busena oko Muuya Uusalala nkou tondezegwa? Ameni.

Kolibomya, kolibombya omwini, “Mwami, Nda syoma. Ndili ciizyi. Ndi . . .” Ko boola.

³³⁷ Lino, kuli cintucimwi cilubide. Alimwi taakwe cilubide kuli Leza. Leza waka Usyomezya.

³³⁸ Aboobo amundi gwayse, Nda konzya kwiimikila mpoonya awa a kuselemukila mu kazila a kazila, ku mwaambila, umwi aumwi, awo mpobede a ncokacita. Nda amba ceeco mu Zina lya Mwami Jesu. Mulizi kuti obo mbwini.

³³⁹ Alimwi Nda bona kuti mwa yoowa kulyaangulula nobeni. Mwa yoowa cintucimwi. Kuli cintucimwi cilubide. Leza tapangi cisyomezyo mpawo kucinca kuli Ncico. Bwalo Mbwini, mpoonya awa, ikuti na ula Uyanda. Cili kuli nduwe. Olo ndufu lwako; oko nkuzikkwa kwako; oko nkutasangana kwako. Ndeelyo Ijwi.

³⁴⁰ Aboobo amundi gwasye, Muuya Uusalala mpali. Aboobo amundi gwasye, Jesu Kristo mwali omuno. Sa Nda kasola ku mwaambila cili coonse cilubide? [Mbunga yaamba, "Peepe."—Mul.] Walo mpali. Pele, kuli cintucimwi. Nda liimvwi alya, nkelangilila Oyo, bona oyo Mumuni kauzunguluka moonya mu buyake awa, ali ndiswe, kuunka a kujoka buyo. Ma, ma!

³⁴¹ Mpaawo mwaunka. Nce Ncico. Eyo nje nzila. Wauma mulindu muniini atala awa. Eyo nje nzila. Wa umba umbi. Mpaawo mwaunka. Ngooyo We. Lino, nceeco ciindi ca Kuu tambula, kuciindi Nouli alya. Mwabona? Bulemu! Masimpe Inga wauma amwi awo. Alumbwe Leza! Mpaawo we. Ameni. Eco cicitola. Ngooyo Wa unka, atala lya muntuumwi umbi awa lino, uumbi, uumbi. Alumbwe Mwami! Mwabona?

³⁴² Walo Mbwini. Walo ni Nzila, Bwini, Mumuni, Buumi. Ko Uzumina kuciindi Nou wida ali bamwi. Kuciindi Nouli ali bamwi, ko Uzumina. Uya buzunguluka, buzunguluka, buzunguluka ku busena boonse, Muuya Uusalala mbo ucita. Nse boteledwe buya. Ndi mwaambila Bwini. Bulemu! Mbo mbubo.

³⁴³ Kokkala ncobeni a Nguwo. Kokkala ncobeni a Nguwo. Kokkala buyo ncobeni awo. Tona kwiimikila awo kwa maminti osanwe. Kokkala mpoonya awo, "Wa ka Usyomezya, Leza. Ndili waano Kuu tambula." Yaa. Ngooyo We. Tambikizya ncobeni, akwaamba, "Nda Utambula. Ngooyu Mbo ubede, Mwami. Nda Uyanda. Nda—Nda imikila awa. Ndili sinizizye. Ndili cikanzide. Wa ka Usyomezya kuli ndime." Ameni. Bulemu! Aleluya!

³⁴⁴ Kozumanana buyo kusyoma, kozumanana kusyoma. Wa amba kuti inga wandi syoma. I Muuya Uusalala, oyo Mumuni, ula zumanana nconzyo kuzunguluka, moonse mu buyake. Ino ncinzi? Nkuvwima muntuumwi uya kujula. Nda amba Bwini. Ameni.

³⁴⁵ Amusole kutambika maanza anu, aku Mu lumbaizya. Kwaamba, "Mwami, Nda Ku lumba. Wa ndipa cisyomezyo. Ndiyo jatilila ku cisyomezyo. Nda Ku lumba, Mwami. Nda Ku lumba."

Ndi—Ndi langide eeni ali Nguwo. Alumbwe Mwami!

³⁴⁶ Kokkala ncobeni a Nguwo. Kokkala awo. "Mwami, Ndiyo kkala mpoonya awa. Ta ndikwe makani na ncifumo.

Ndino imvwi mpoonya awa, nke Ku lumbaizya. Ndi lizi kuti Uyo Utuma. Oyu muswaangano wabaiminizi uya bumana, sunumasiku, alimwi Ndili waano kakutakwe Muuya Uusalala. Ndila zwa okuno, nkezwide Muuya Uusalala, aboobo kondi gwasya. Wa ka Usyomezya. Ndila imikila mbuli weetha vani. Ndila cita cili coonse Nco yanda kuti ndicite. Biyo, Ndi yanda Muuya Uusalala. Ndili kanzide Kuu tambula.”

³⁴⁷ Cindi walipa kumaninina, Uyo njila cakumaninina. Pele kusikila walipa, Ta konzyi kunjila cakumaninina. Kopa. Kopa miyeeyo yako. Kopa kuyeeya kwako. Kopa buumi bwako. Kopa koonse kwako. Kopa mpuwo yako. Kopa zintuzyonse kuli Nguwe lino, nkabela Uyo njila a kukuzuzya Muuya Uusalala. Nce ncico Ncali waano kucita. Wa uma kale bobilo na botatwe awa mu buyake. Kuli banji kwinda awo, bayanda Muuya Uusalala. Kozumanana buyo kusyoma. Bulemu kuli Leza! Na cili lizi na cili lubide...?...Kobombya kuyeeya kwako. Kobombya nzila zyako.

³⁴⁸ Kokkala buyo mpoonya awo, kwaamba, “Mwami, Ndili mpoonya awa lino. Ikuti na Wa Upa muntuumwi umbi omuno sunumasiku, Ula Upa kuli ndime, akwalo. Ndiyo—Ndiyo kkala mpoonya awa kusikila Uboole.”

Mbuli mbo munyamuna jwi lyanu, maboko anu, buumi bwanu, koonse kwako.

Inga ndamvwa Mufutuli wangu kaita,
Amutambike maanza anu a kwiimba olo kuli Nguwe.

Inga ndamvwa . . .

³⁴⁹ Ba kaimba ciimbo, nywebo mulizi. “Sa-...” Ikuti na Ukwitila ku Muuya Uusalala, kopa lino. Kopa kwako koonse.

Inga ndamvwa Mufutuli wangu kaita,
“Bweza ciingano cako, a kutobela, Kondi tobela.”

Lino mpaawa mpo mubede.

Oko Nkwa sololela . . .

³⁵⁰ “Oko Nkwa ndisololela, Ndiyo . . . Kondi sololela kusika obu, Mwami, ku matende angu. Mpaawa Nda imikila.”

. . . -bela,

Oko Nkwa ndiso . . .

[Mukwesu Branham ukana ku Mukwesu Shakarian—Mul.]

Ula sololela . . .

³⁵¹ Nda tondezya buyo Mukwesu Demos. I Angelo wa Mwami waindilila. Nda amba, “Langilila oyo mwanakazi.” Cindi Na indilila, waa tambika maanza akwe mbuli obo. Twa tondezya buyo, Mukwesu Demos wa Mu bona, mbuli Mbwa indilila ndyoonya lino, kuya ku mwanakazi mpoonya awa. Nda ti,

“Mukwesu Demos, sa tokonzyi Kuu bona? Kauzunguluka buyo koonse, kwinda mu buyake.” Nda ti, “Ko Ula ngilila mbuli Mbo wiinda *awa*.” I mulindu muniini wanyamuna maanza akwe mujulu.

³⁵² Walo mulindu muniini wiimvwi, uusamide cintu ca mampana. Cintucimwi ca zwa ku mujata, maminiti masyonto aindia, nkabela waa tambika maanza akwe. Mbo mbubo na, omulindu? Mpoonya awa buyo, a maanza akwe mujulu, awa kusule lya mulindu usamide dressi lya bbulu. Ngooyo Mbwa bede. Mwabona? Baa, takuna mana... Ndila—Ndila ngide nkoonya kuli Nguwo. Lino, ikuti na Nda kasola kumwaambila cili conse cilubide, amu ndaambili na ndilili. Uli waano.

³⁵³ Beenzuma, amu—amu zwe ku nzila eyo ya Pentekoste njumu atulao. Mweelede kufwa nconzyo. Mweelede ku cikanza nconzyo. Mu—mu jisi cintucimwi, mu—mu jisi nzala nsyoonto, pele kutali nzila iini. Mweelede kwiibamba kuba ya kasimpe. “Kuciindi Petro nakali kwaamba Majwi aya, Muuya Uusalala waka bawida abo baka Li mvwa.” Amusole kujala meso anu a—a kukotamika mitwe yanu. Amu cilanganye. Sa kuli cintucimwi cilubide? “Mwami gwisyka kutasyoma kwangu.”

³⁵⁴ Lino awa, a meso aafwika... I Angelo wa Mwami, Oyo mwini wa cifoto cili akati kesu, cakatolwa kwinda ku cizibyo casayaansi, nguonya Musumpululu wa Mulilo waka tobela bana ba Israyeli. Oyo wakali Jesu, cindi Na kafwa, nakazikkwa, akutanta kupilukila kuli Leza.

³⁵⁵ Saulo, mu lweendo lwakwe kuyaku Damasiko, wakauminwa ansi kuli nguonya oyo Musumpululu wa Mulilo. Kati, “Mwami, Nduweni Yebo?”

Wa kati, “Ndime Jesu.”

Jesu wakati, “Nda kazwa kwa Leza, akuya kuli Leza.”

³⁵⁶ Ngooyu Mbwa bede, sunu, nguonya Jesu, wakabonwa akati kesu a meso, wakajatwa ku kkamera, katondezegwa mu Muuya. Oh, mukwesu, mucizi, nkunji buti Leza nkwa konzya kucita? I oora lya luzyalo!

³⁵⁷ Ndi yanda kusyoma kuti muli sinizizye. Nda syoma mbo mubede, pele amuli jalile nobeni. Ta muna kusinizya kweelede Kuu tambula. Ndi...

³⁵⁸ Aboobo amundi gwaye, Uli moonya mu buyake. Nse beji.

³⁵⁹ Lino, kuciindi nomuli batamika nobeni asyoonto buyo. Sa kuli umwi omuno walimvwa kuti—kuti watambula Muuya Uusalala? Vukauzya—vukauzya janza lyako, konse a konse. Nda Ubona, koonse kumasena, atala lya bantu. Longezegwa. Longezegwa. Nyoонse mwa longezegwa na? Amen. Bobilo, bali botatwe. Ncibotu. Bone. Ncibotu. Kuli bone batambula Muuya Uusalala kuciinda ca kusansaila. Bantu bone batambula Muuya Uusalala kuciindi eco. Alu... Alumbwe Mwami. Mwabona?

³⁶⁰ Lino, ciindi buyo cisyoonto cainda, Wali kweenda. Ii Mumuni wazwida atala mu nzila *eyi*, jokela nzila *eyi*, watanta *awa*, a kujokela alubo. Nda ti ku Mukwesu Shakarian, “Boolakuno. Boolakuno. Mpaaawa, mpaaawa, ko Ubona kauboola, mpoonya awa. Nda Ulangilila mbuli Mbo wainda. Kuli mulindu muniini alya.” Elyo mbuli Mbwe zwaa kwaamba, “Uli atala eni a mulindu oyu muniini.” Kutandila ciindi eco, waa tambika maanza akwe mujulu, akutalika kukwiila. Ngooyo Mbuwa bede. Mwabona? Wainda ncobeni atala, wainka eni atala mu kkona eelyo, akujokela moonya mu nzila *eyi* kwiizunguluka. Nse Cu ubwene lino. Mwabona? Obo mbwini nconzyo. Nda mwaambila bwini. Mwabona? Elyo nceeci we, mwabona, bone batambula lubbizyo lwa Muuya Uusalala.

³⁶¹ Lino, ikuti na ula Uyanda, Ngu wako. Ngu wako ikuti na ulayanda kujula buyo.

³⁶² Lino uli—uli jisi ii—ii—ii muzeezo cintu ncoelede kucita. Uli jisi kuyeeya kumwi, “Ee, lino, ikuti na Njo imikila awa, *obu*.” Peepe, peepe. Eco, eco cicita... To konzyi kukkanla ansi. Taku bambi lwandaano lumwi awo mpo bede. Pele awo mpoya kulijula omwini, elyo mpawo Muuya Uusalala uya kuuma.

³⁶³ Mpawo, ee, ziindizimwi Ula talika kukunanika, alimwi to keendi buyo kumanizya a Nguwo. Wa yoowa aniini. Uli yoowede. Wa jokela. Kolipa buyo, kolipa buyo ku Muuya Uusalala.

³⁶⁴ Uta yoowi ciimo cakwiindilizya. Ikuti na ngu dyabulosi kacitaula, sa toyeeyi kuti tuyo ciziba? Uh-huh. Iiyi, munene. Ta kabooli kunze. Úta yoowi ceeeo. Peepe. Ta—ta kokupenzya.

³⁶⁵ Kolipa buyo lwako ku Muuya Uusalala. Cindi walimvwa eco cabulemu... Mboli oyu mukutausi muniini mbwaamba kuti wakacita busiku obo, kaimvwi, oko Cintucimwi cikasaala nko cakaboola atala lyakwe. Ikuti na kalizi nzila ya kulipa mwini ku ciindi eco. Kwa mana. Koamba buyo kuti, “Mwami Jesu, Nda Ku syoma. Nda Ku zamina.” Mpawo cintucimwi cila talika kucitika. Wabona? Kocikanza kuzwa ku moyo wako, mpawo cila citika. Oh!

³⁶⁶ Sena mula Mu yanda? [Mbunga yaamba, “Ameni.”—Mul.] Leza abe a ndinywe. Leza amu gwasye. Ndi yanda mu...

³⁶⁷ Mbangaye bambi omuno bayanda Muuya Uusalala? Andi bone janza lyako. Mbangaye? Wani, tuu, thrii, foo. Oh, ma, ma! Ta kuyandikani kuunka kakutakwe Nguwo. Kuli bali lusele, a kkumi awa, kkumi aumwi. Batandila ku kkumi aumwi, kkumi ababili, ndiza, omuno, bayandisya Muuya Uusalala, nekuba. Andi... Ndi lizi ndiza tuya bumuka kapati, ndiza naini theeti na cintucimwi mbuli ceeeo. Pele tuli jisi—tuli jisi ciindi cipati. Tuli jisi nconzyo ciindi cipati. Tu yanda kuti ufutulwe, mweenzuma. Tu yanda kuti uzuzigwa. Koyeeya, uli—uli futwidwe, kwalo. Cindi wazumina Kristo, uli futwidwe. Pele

tona sanduka kusikila watambula Muuya Uusalala. Lino, mulizi eco. Mbo mbubo.

³⁶⁸ Jesu wakaambilila Petro, busiku bwa kwaabwa. Wa kali futukide kale. Kati, "Lino, waakumana kusanduka, ukayumye babunyoko." Mbo mbubo. Oh, masimpe. Wa kazumina Kristo mbuli Mufutuli wako. Pele cindi wasanduka, nce cindi nocincwa ncobeni. Mbo mbubo. Elyo takalina cincwa pe. Wa kasinganya kumbele lya Mwami, aku Mu kaka, a zintuzyonse. Pele kumane lucinco lwakwe: "Waakumana kusanduka, ukayumye babunyoko." Mbo mbubo. Sa mbo mbubo? [Mbunga yaamba, "Ameni."—Mul.] Obo Magwalo mbwaamba, nekuba. Ayo ala cilulamika. Jesu wakaambilila Petro, oyo waka Mu tobelede, a kutanda madaimona, a kucita maleele, a zintuzyonse, kati, "Tona kusanduka. Pele waakumana kusanduka, mpawo ukayumye babunyoko." Yaa. Nkwa bwini. Lino, nkaambonzi to...

³⁶⁹ Nkaambonzi, mbobuti mbo konzya kukaka kuli obo ii—ii—ii kutambwa mbuli oko? Nku kwako. Ta ndiyandi kukubona kuzwa awa kakutakwe Nguwo, mukwesu. Kwayanda ta tukabi amuswangano umbi wabaiminizi. Ta tuzi. Ta tuzi eco ciledé kumbele. Antela tatu kabi aumbi. Ikuti na uyanda kukkala acuuno, akupaila kaindi kaniini, cili kuli nduwe. Nceeco ncoyanda cili conse, ikuti na uyanda kukkala acuuno, uyanda kuti kociimvwi. Tuyo paila alubo. Kocita kufumbwa kantu nko yanda kucita, pele Ndi yanda kuti utambule Muuya Uusalala. Lino, Ngu wako. Nkaambonzi bone ba Utambula mpoonya awa, nkabela bamwi pe? Mwabona? Ko libombya buyo lwako, kojula buyo moyo wako a—a ku cisyoma ncobeni.

³⁷⁰ Inga nketali sikulalila mubotu muli ceeći. Mulimo wangu ngwa kukombela baciswa.

³⁷¹ Sa kuli mukambausi wa Pentekoste awa, muntuumwi, mukambausi wa Pentekoste? Tambika janza lyako. Ino kujatikizya *oyu* mulombwana awa, kombela baciswa, umwi ambali awa? Boola okuno. Ngooyu mwaalumi. Nda—Nda kazyalilwa mu ciindi citeelede, mu zyuuno zya Pentekoste. Pele, awa, Ndi yanda *oyu* mwaalumi awa amu kombele. Ndiyo imikila kumbali lyakwe. Leza aku longezye, mukwesu.

³⁷² [I mukwesu wa Pentekoste waboola ku cikambaukilo, a kwaambilila abo baimvwi, "Ikuti na tuyanda kulekela Muuya Uusalala kuboola aali ndinywe, amutambike maanza anu." I mukwesu nguonya lino wakanana mizila ya mabala misyoonto ili cisambomwe mu mwaambo umbi, elyo mpawo wazwa aa cikambaukilo a kuzumanana kukanana mu mwaambo umbi akati ka baabo bayanda lubbizyo lwa Muuya Uusalala—Mul.]

³⁷³ Amu batame lino. Wa inka ansi kuyo bikka maanza ali umwi. Mwabona? Amu batame buyo ncobeni. Muta—muta langilangi.

Kamu lungumana, lungumana, lungumana. Tuyo zumanana kupaila. Kuzumanana kupaila.

³⁷⁴ [Mukwesu Branham wakanana ku mukwesu umbi—Mul.] Koboola okuno, mukwesu. Inga watola busena bwangu, mukwesu, okuno. To konzyi kucipandulula kuli mbabo. Wabona? Uli zyi kunji kujatikizya ncico kwiinda Mbwe cita. Yaa. Koboola buyo, ko civozya. Ba cikombela, nkabela boola ku cipaililo lino. [Mukwesu Branham wakanana kuli umwi.] Mbo mbubo.

³⁷⁵ [Mukwesu Branham wakanana ku mukwesu umwi oyo waboola ku cikambaukilo—Mul.] Yaa, munene. Leza aku longezye. Lino, uli zyi nzila yakucita eci kabotu kwinda ndime. Ndiyo imikila awa a kupaila. Inga wabapa malailile aambi. Elyo... .



LEZA KALISISA MWINI MU BUUBAUBA TNG63-0412E
(God Hiding Himself In Simplicity)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwasanu mangolezya, Mukubwekaangala 12, 1963, ku muswaangano wa Full Gospel Business Men's Fellowship International ku Western Skies Motel mu Albuquerque, New Mexico, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org